



دلسۆزی و برایه تی

نقیسین

سه عید نوورسی

وهر گیران

نُدَریس غازی

په رتوڪ: دلسوڙي و برايه تي

نقيسين: سه عيد نوورسي

وهرگيـران: ندريس غازي

راسته گرن: محهمه د عيسا هروري

به رگ: فهرسه ت زويپر

ژمارا سپاردني: (15 / 2010 / D-) سالا (2015)

چاپا نيكي: 2015

تهيسينا بيستى ژ ((تهيسينا))

دښوږى

-1-

فى بابته ى گرنگيه كا تابته يا هه ى هتا هڼاى وئ چهنډى بيت
 ببته تهيسينه كا سهربه خو د پهرتوكا ((تهيسينا)) دا خالا ئيكى ژ
 مهسهلها دووى يا ياداشتا ههډى ژ تهيسينا ههډى⁽¹⁾.

⁽¹⁾تهوږى ((هندهك ياداشت ل دور نياسينا خودئ)) يه، ماموستا ئيجسان قاسم
 صالحى وهرگپرانان وان يا تهمام د پهرتوكا ((راستين باوهري)) دا به لافكريه
 (وهرگپر ئيجسان قاسم صالحى).

بِسْمِ اللَّهِ الرَّحْمَنِ الرَّحِيمِ⁽²⁾

{ إِنَّا أَنْزَلْنَا إِلَيْكَ الْكِتَابَ بِالْحَقِّ فَاعْبُدِ اللَّهَ مُخْلِصًا لَهُ الدِّينَ (2) أَلَا لِلَّهِ الدِّينُ الْخَالِصُ... } { الزمر: 2-3 }، ئانكو: ﴿2﴾ ب راستی مه ب ههقیی ئەف قورئانه بۆ ته ئینا خواری، قیجا خودی بیهریسه، و د پهرستنا ویدا یی دلبییش به [ئانکوو بلا بهس ته مهردم ژ پهرستن، ئەو ب تنی بیت]. ﴿3﴾ هشیار بن پهرستن بهس بۆ ویه).

و پیغه مبهری مهزن (سلاقیین خودی ل سهر بن) دبیژیت: ((هالك الناس إلا العالمون، وهلك العالمون إلا العاملون، وهلك العاملون إلا المخلصون، والمخلصون على خطر عظیم)) یان وهکی گۆتی، ئانکو: ((مرؤف د هیلاك چوون زانا تی نهبن، و زانا د هیلاك چوون ئەو نهبن یین کار ب زانینا خو دکهن، و ئەوین کار دکهن د هیلاك چوون دلسۆز تی نهبن، و دلسۆز ژ یین د مهترسیه کا مهزندا)).

⁽²⁾ ئاگه هدارى: تشتی هیژای سوپاسی ل سهر فی باژپرکی خوش ((ئه سبارته)) ئەوه کو خودی بهخته کی (شه نسه کی) مهزن یی دایى، چو ژیکجوداییین تیکه ل ههسویدی د ناف ته قوادار و چاک و خودانیین ریکین صوفی و زانایاندا پهیدا نابیت، خو ههکه پهیدا بیت ژى گه لهك کیمتره ژ دهقهرین دی، هه رچه نده فیانا خو سهر و ریکه هفتنا ب ته مامی وهك پیدفی نینن به ل ژیکجوداییا ب زیان و ههسویدیا خراب ژى ل نائینه دیتن ب بهراوردی دگه ل دهقهرین دی.

ژ فى ئايه تا پىرۆز و فەرموودا پىغەمبەرى يا پىرۆز پىكفە گىنگيا
 دلسۆزى د ئىسلامىدا، و مەزىناتيا وى وەك شەنگستەيەك دىن ل
 سەر دئىتە ئافاكرن د يار دكەن. ژ خالىن هوير د بابەتى
 ((دلسۆزى))دا، و ژ مەسەلەيىن وى يىن جوان و نازك ئەقىن
 نەئىنە هژمارتن و حسيبكرن دى ب كورتى پىنج خالا بتنى
 بەحسكەين.

خالا ئىكى

پىيارەكا گىنگ و جەن مەندەهوشى:

بۆچى خودانىن ئايىنى و زانا و رىكىن صۆفى كو ئەو خودانىن
 ھەقىي و پىكھاتن و تەبايى رىكناكەفن، بەلى خودانىن دىيائى و
 بى ئاگەھىي - بەلكى خودانىن گومرايى و دورپاتىي - مەملانى دگەل
 ئىكدوو ناكەن و ھەسويدىي ب ئىكدوو نابن. ھەرچەندە كو
 رىككەفتن كارى خودانىن رىككەفتن و تەبايىيە، و رىككەكەفتن
 كارى خودانى دورپاتى و بەرزەبوونىيە. ئەرى چەوا ھەقى و
 نەھەقىي جەين خۇ پىگگوهورپىن، قىجا ھەقى چو دگەل فانا و
 نەھەقى چو دگەل يىن دى؟

بەرسف: ئەم دى ھەفت ئەگەرا ژ وان ئەگەرپىن زۆر يىن فى
 ھالەتى دلئىش و نەخوش بۆ مروفىن ب غىرەت و مېرخاس.

ئه گهری ئیکئی:

ژیکنه کهفتنا خودانین ههقیی ژ وی چهندی نههاتیه کو وان ههقی بهرزه کربیت و ژ دهستابیت، ههروهسا ریککهفتنا خودانین بی ئاگههیی ژ وی چهندی نههاتیه کو ئهو دگهل راستیینه، بهلی کارین خودانین دنیاای و سیاسهتی و رهوشه نیران، و یین وهکی وان ژ تهخین جفاکی هاتینه دهستنیشانکرن و جوداکرن، ههه تایفه و کۆم و کۆمهلهکی کاری خۆ یی تایبهت ههیه دکهن، و ئهو کریا ماددی یا بهرانبهه خزمهتین وان و بو بهردهوامیا ژیارا وان- ئهوژی هاتیه دهستنیشانکرن و جوداکرن، ههروهسا ئهو کریا مهعهنوی یا ئهو ب دهستخۆفه دئینن- وهکی پوستا و بهلاقبوونا ناف و دهنگا- ئهوژی دیسا هاتینه دهستنیشانکرن و دیارکرن و جوداکرن. دهرئه نهجام ئهووه چو تشتی وهسا نامینیت ئهو مملانی ل سهه بکهه یان ههسویدی ب ئیکدوو بههه. و چو تشتی وهسا نینه هیژای گینگهشی و مدهرکیی بیت، لهوا دی بینی هندی ریکین خرابیی بگرن ب ساناهی ریکدکهفن.

بهلی کاری ههرئیک ژ خودانین ئایینی و زانستی و ریکین صووفی ئاراسته کریه بو هه میا، و کریا وان یا دنیاای نهیا دهستنیشانکری و دیارکریه ههروهسا بارا وان یا بهایی جفاکی و چوونا خه لکی بهه

ب وانقه⁽³⁾ و رازیبوونا ژ وان دیسا نه هاتیه دیارکرن. چه نندین بهر بژیر بۆ پلهکی ههنه، و چیدبیت گلهک دهست بیینه درپژکرن بۆ ههر کریهکی ماددی بیت یان معنهوی- فیجا بهریکانه و مملانی و حه سویدی و غیره ژ فیری پهدا دبیت. و دئه نجامدا ته بایی دبیته دوریاتی و ریکه فتن دبیته نه لیکي و ریکنه که فتن.

چو تشت فی نه ساخیا گران چاره سهر ناکهت ملحه می دلسۆزی نه بیت، ئانکو ب سهر ئیخستنا هه قیی و هیدایه تی ل سهر دویفچوونا نه فسی و دلخوازی، و ب سهر ئیخستنا هه قیی ل سهر خوشیا نه فسی چیدبیت مرؤف خهلاتی بجهئینانا فی ئایه تا پرؤز ب دهستقه بینیت: {... إِنَّ أَجْرِي إِلَّا عَلَى اللَّهِ...} ﴿یونس: 72﴾،

⁽³⁾ هشیاری: هاتنا خه لکی بهر ب مرؤقیفه نائیته داخوازکرن، به لی دئیته دان، و نه گهر خه لک ب بهر فه هاتن نهو پی که یفخوش نابیت. و نه گهر مرؤف ب هاتنا خه لکی بهر ویقه پی خوش و رحهت بوو نه فه وی دلسۆزی ژ دهستدا و که فته د رومه تییدا. و حهزا به لافبوونا ناف و دهنگا ئه فا هاتنا خه لکی بهر ب مرؤقیفه بخوفه دگریت و حهزا فی چهندی نه خیره و نه جزایه، به لکی گازنده و سزانه ژ نه نجامی ژ دهستدانا دلسۆزی پهدا بووینه. به لی، هاتنا خه لکی بهر ب مرؤقیفه نائیته داخوازکرن، چونکی نهو خوشیا کیم نهوا تیدا زبانی دگه هینیته دلسۆزی نه ف دلسۆزیا دئیته هه ژمارتن وهک گیانی کارین چاک، ههروهسا نه فی چهندی بهر دهوامی نابیت حهتا بهر ده رگه هی گوری، فیجا دفییت حهزا هاتنا خه لکی بهر ب ویقه و ب دهستقه ئینانا رازیبوونا وان نه بیت، به لکی دفییت ژ ب ره فییت و ب ترسیت. فیجا بلا به نده بیین نافداریی و حه ژیکه ریین ب دهستقه ئینانا رازیبوونا خه لکی گو هی خو ب دهنه فی چهندی.

ئانكو: (كريا من [ههق و بهرانبهري من] ل سهر خودي يه)، و ب بي منهتيا وي ژ كريا ماددى و مهعنهوي ئهفئين ژ خهلكي د گههنى⁽⁴⁾ دى بجهئنانا فى ئايهتا پيروژ ب دهستهئيت: {... وَمَا عَلَى الرَّسُولِ إِلَّا الْبَلَاغُ الْمُبِينُ} ﴿النور: 54﴾، ئانكو: (و ژ بلى

⁽⁴⁾دفييت رهوشتي (ئيساري) ئهفي صهحابيئين ريزدار (خودى ژ وان رازى بيت) ل دهف خو پهبداكري و پهسنا قورئانا پيروژ بو فى چهندي ب دهستخوفه ئيناي ل بهر چاف وهربگرين، و بو خو بكهينه رى نيشاندر، و رامانا فى ژى ئهفهيه: مروفا خهلكي ژ نهفسا خو چيتر ب دانيت ل دهمى وهرگرنا ديارى و سهدهقهيان، و چو وهرنهگريت بهرانبهر وان خزمهتين مروفا د ريكا ئايينيدا پيشكيش دكته، و ب دلى داخواز نهكته. و ئهگهر تشتهكى وهكى فى چيپوو بلا حسيب بكهت كههمهكا خودايى يا خوهر، بيى هلكرتا منهتا خهلكي. چينابيت تشتهكى د دنياييدا داخواز بكهت بهرانبهر خزمهتين د ريكا ئايينيدا، دا دلسوزي ژ دهست نهدهت. ههرچهنده پيدفيه ل سهر ئوممهتي ئهه و زيانا وان دابينبكهت، ههروهسا ئهه هيژاي زهكاتينه، بهلى دفييت ئهه مروفا ئهفئين ب فى كاري رادين داخوازا چو تشتا ژ خهلكي نهكهن بهلكي چيدبيت هندهك ژ دهف خو ب دهنى، خو ههكه تشتهكى ژ دهف خو ژى ب دهنى دفييت ئهه وهرنهگرن چونكى بي خزمهتا ئاييني دكهن بهلى يا باشتر بو وان ئهوه ئهه ب دهنه يين هيژا و وان ب سهر نهفسا خو بيخن، و ب وي رزقي خودى كريبه قسمهتي وان رازى بن، دا پهسنا قورئانا پيروژ {... وَيُؤْتُونَ عَلَىٰ أَنفُسِهِمْ وَلَوْ كَانَ بِهِمْ خَصَاصَةٌ...} ﴿الحشر: 9﴾، ئانكو: (و ئهه وان ب پيش خو دئىخن و وان ژ خو فهرتر ددانن، خو چهند د ههوجه و دهستهنگ ژى بن) ژ مروفي بگريت، و هينگى دى دلسوزى ب دهستهئيت و دى خو رزگار كهت ژ خرابيئين فى د هيلاكهتچوونا مهترسيدار.

گه هاندنا رۆنکەر و ناشکەرا، چو یی دی ل سەر پیغەمبەری نینه)،
 فیجا دی دلسۆزیی ب دەستخۆفە ئینیت، چونکی وی زانی: باشدانانا
 ئاخفتنا وی ژلاییی خەلکیفە و کارتیکرنا وی ل سەر وان و
 بدەستفەئینانا هاتنا وان بەر ب ویفە ئەفە کاری خودایی پاکە و ژ
 قەنجی و منەتا وی بتنی یە، و نە ژ کاری وییە چونکی کاری وی
 بتنی گه هاندنە. و ئەف چەندە نە ژ ئەرکی وییە و پی نەهاتیە
 سپارتن. فیجا یی تەوفیقا وی دا بو وی تشتی مە گوئی ئەو دی
 تاما دلسۆزیی بینیت، و خیرەکا مەزن ژئی ناچیت.

ئەگەرئ دووی:

ژیدەرئ ریککەفتنا خەلکی گومراییی رەزیلیا وایە، بەئی ژیدەرئ
 ریکنەکەفتنا خەلکی هیدایەتی سەر بلندیا وایە، چونکی مادەم
 خەلکی دنیا یی و گومراییی یین بی ناگەه پشتا خو ب هەقی و
 راستیی گەرم نەکن ئەو لاواز و رەزیلن، هەست ب پیدقیەکا فەر
 دکەن بو ب دەستفەئینانا هیژی و زیدە خو ب هاریکاری یین دی و
 ریکەفتنی دگەل وانفە دگرن، و د رژدن ل سەر فی ریکەفتنی خو
 هەکە ریکا گومراییی ژی بگرن، هەر وەکی ئەو ب تەمامی کاردکەن
 بو پشتهفانیا وان د نەهەقییدا، و دلسۆزن د گومراییا خودا، و رژد
 و خو راگرن ل سەر بی باوهریا خو، و د دوریاتیا خودا ریکدکەفن،
 ژبەر فی چەندی د کاری خودا ب سەردکەفن، چونکی دلسۆزیا
 تەمام خو هەکە د خرابیی ژیدا بیت ب بەرئافیدا ناچیت، و بی

ئه‌نجام نابیت. ههر ئیکێ ب دلسۆزی داخوازا تشتهکی ژ خودی بکهت خودی دی بۆ بجهئینیت⁽⁵⁾.

به‌لی چونکی خودانین هیدایه‌تی و ئایینی و زانستی و ریکین صوفی پشتا خو ب هه‌قی و راستیی گهرم دکهن، و ههر ئیک ژ وان ده‌می د ریکا هه‌قییدا دچیت. چو ئارمانج نینن ژبلی رازیبوونا خودایی خو یی مه‌زن و ب خودی دل ته‌نا و رحه‌ت دبیت، و سه‌ربلندیه‌کا مه‌عه‌نوی د ریکا خودا ب ده‌ستفه‌ دئینیت. چونکی هه‌رده‌می هه‌ست ب لاوازی کر دی زفرپته خودی نا زفرپته مروفا، و هیژی ژ وی بتنی وهر دگریت. زیده‌باری ئه‌و ریکین جودا جودا ل پشیا خو دبینیت. دگهل یا ئه‌و ل سه‌ر دچیت. له‌وا دی بینی هه‌ست ب ئه‌گه‌رین هاریکاریی دگهل یین دی ناکه‌ت به‌لکی نه‌شیت مفایی ریکه‌فتنی دگهل یین نه‌وه‌کی خو ژ سه‌ره‌فه. بینیت و نابینیت ئه‌و یی پیدقی فی چه‌ندی یه، و ئه‌گه‌ر دفن بلندی و ئه‌زه‌زی د نه‌فسیدا هه‌بیت دی بینی ل شوینا ریکه‌فتن و فیانی ریکه‌که‌فتن و مملانی یا هه‌ی، فیجا مروفا دی هزرکه‌ت یی هه‌فه و ئه‌وی نه‌وه‌کی وی یی نه‌هه‌فه، ل وی ده‌می دی دلسۆزی ژ ده‌ست چیت و کاری وی دی پویج دبیت و چو شوینوار بۆ نامینن.

⁽⁵⁾((یی داخواز بکهت و خو زه‌حه‌ت بده‌ت دی گه‌هیتی)), ئه‌فه ده‌ستوره‌که ژ ده‌ستورین راستیی و گه‌له‌ک یی به‌ره‌ره‌ه و ته‌فگره‌هه‌تا فی بوچونا مه‌زی بخوفا ده‌گریت.

چاره سه ریا ئیکانه بو فی حاله تی و ریگرتن ل نه نجامین مه تر سیدار- د فان نه ه تشتین خواریدایه:

1- کاری ئه رینی یی ئافاکهر، ئانکو مروّف و هسا کاری خو بکه ت کو مروّف هه ژ کاری خو دکه ت بیی دوژمناتیا یین دی یان کیمکرنا بهایی وان بیته سهر هزرا وی یان بیته د ناف کاری ویدا- یان بیی ب وانقه مژویل ببیت د بنپرا.

2- بهی پیدفیه ل سهر وی نه و ل خالی زور یین هه فپشک یین د نافه را ریگین پیشکیشگری د مهیدانا ئیسلامیدا بگه رییت- جوړی وان چ بیت- نه فین کو دی بنه ژیدهری فیانی و ریگین پیکهاتن و ریگهفتنی د نافه را واندا.

3- دهستوری دادپه روه ریی بخو بکه ته ریبه ر، نه وژی نه فه یه: خودانی هه ریگه کی مافی هه ی بیژت: ((ریکا من چیتر و باشر و جوانتره)) بیی مایی خو د کاروبارین ریگین دیدا بکه ت، بهی چینابیت بیژت: ((ریکا من بتنی یا هه قه)) یان ((تازه یی و جوانی بهس یا د ریکا من بتنیدا هه ی)) چونکی نه ف گوتنه رامانا خرابی و نه هه فی ریگین دی د دمت.

4- مروّف بزانی ت کو ریگهفتن دگه ل خودانین هه قیی ئیک ژ ریگین پشته فانی خودایی و ئیک ژ ژیدهرین سهر بلندیا ئیسلامیه.

5- پاراستنا هه قی و دادیی ب پهیدا کرنا که سی مه عنه وی، نه وژی ب ریکا ریگهفتنی دگه ل خودانین هه قیی بو راوه ستیانی به رانبه ر

خودانین گومرایى و نهههقیئ ئهقیئ ب تیگههشتنا كهسهكى
 معنهوى یی بهیز ب سهر خودانین ههقییدا دگرن ژبهه وی
 پشتگرتن و ریككهفتنا ل دهف وان هه- ههروهسا مروؤف بزانیئ كو
 ههر بهرگریهكا تاكى- هندی یا ب هیز بیئ- نهشیت خو ل بهر وی
 كهسى معنهوى یی گومراییی بگریئ.

6- و پیخهههت قوتالكرنا ههقیئ ژ سهرداگرتنا نهههقیئ.

7- هیلانا دفن بلندی و بههرا نهفسی.

8- و هیلانا وی تشتی ژ خهلهتی دئیته حسیبكرن كو ژ سهربلندی
 و سیهانهتی (كهرامهتی) یه.

9- و هیلانا ئهگهرین ههسویدی و مملانی و ههستین نهفسی یین
 نزم.

ب فان ههر نهه خالا مروؤف دئ دلسۆزیی ب دهستخوؤفه ئینیت و دئ
 ب دروستی مافی ئهركی خو دهتی و دئ ب رهنگی پیدفی ب ئهركی
 خو رابیت⁽⁶⁾.

⁽⁶⁾ د فهرموودا دروستدا هاتیه كو ل دویمایهیا زهمانی دئ فهلهییئ دیندار دگهل
 خودانین قورئانی پیکمه بهرانبهه دوژمنی خو یی ههفیشك راوهستن ئهوژی بی
 باوههری و دوریاتیه (زندقه)، لهوا خودانین باوههری و راستیی ل سهردهمی مه
 نهبهس پیدفی ریككهفتنا خو سههرن د نافههرا خو بتنییدا، بهل داخوازکرینه بو
 ریككهفتنی ههتا دگهل فهلهییئ راست و دروست ژى، قیجا ب رهنگهكى
 بهروهخت- ههر تشتهكى دبیته ئهگهری نهلیکی و گینگهشی د نافههرا واندا بهیلن
 پیخهههت لادانا دوژمنی خو یی ههفیشك و زوردار.

ئەگەرئى سىي:

رىكنەكەفتنا خودانىن ھەقىي نە ژ بى بەھاي و ژ دەستدانا
ھىممەتییە، ھەروەسا رىكنەكەفتنا خودانىن گومرايىي نە ژ بلنديا
ھىممەتییە، بەلئ ژيڊەرى رىكنەكەفتنا خودانىن ھىدايەتئ خراب
كارئىنانا بلنديا ھىممەتئ و زيڊەيىيە تىدا، و رىكنەكەفتنا خودانىن
گومرايىي ژ ئەنجامئ لاوازي و بئ دەستھەلاتيىيە ئەفئىن ژ نەبوونا
ھىممەتئ پەيدا دبن.

و ئەگەرئى خراب كارئىنانا خودانىن ھىدايەتئ بو بلنديا ھىممەتئ
و د ئەنجامدا دبىتە ئەگەرئى رىكنەكەفتن و غيرەت و ھەسويديئ،
زيڊەيىيە د رژدييدا ل سەر جزايئ ئاخەرتئ - ئەف بخوؤ تىشتەكئ
باشە - بەلئ داخوازكرنا زيڊەيىي ژئ بئى قەناعەت و ب
دەستفەئىنانا وئ بو نەفسئ دئ وى مروؤفئ رژد پىچ پىچە بەر ب
حالەتەكىفە بەت كو مەملانى دگەل برايئ خوؤ يئ راست و دروست
بكەت ئەف برايئ ئەز گەلەك پىدئفى فيان و ھاريكاري و براينى و
گرتنا دەستئ وى، بو نموونە بيژىت: دا ئەف خىرە بگەھىتە من، و
ب رئ نىشاننانا وئ خەلكئ و دا گوھ ل ئاخفتنا من بتنى بن، و
يىن وەكى فان ژ داخوازكرنا خىرەكا زيڊەتر. يان بيژىت: بوچى
قوتابىيىن من بچنە دەف فلانى و بيھفانى؟ و بوچى ھژمارا
قوتابىيىن من ھندى يىن وى لئ نائىن وپتر ژى لئ بىن؟ دئ گيانئ
ئەزئەزىي ب فئ دان و ستاننانا ناخخويى - دەليقەكا رەخساي ل

دهف بینیت سهری خۆ بلند بکەت و دیار ببیت، و د ئەنجامدا پیچ پیچە دی وی ب سالۆخەتەکی خراب بەر ب پيسبوونیڤه بەن، ئەها ئەفەیه حەزا فیانا پوستی، د ئەنجامدا دی دلسۆزی ژ دەست چیت و دەرگەهی خۆ بەرانبەر وی گریت، بەلی دەرگەهی رویمەتی دی ب بەرفرەهی بۆ فەبیت.

چارەسەریا فی خەلەتیا مەزن و فی برینا کویر و فی نەساختیا گران ئەفەیه:

((مرۆف بزانیته کو رازیبوونا خودی ب دەستفەنائیت هەکە ب دلسۆزی نەبیت، چونکی رازیبوونا خودای پاك نه ب هژمارا زۆر یا دویکەتیا یه و نه ب زیدە سەرکەفتنی د کاراندا))، چونکی هژمارا زیدە یا دویکەتیا و سەرکەفتن د کاراندا کاری خودای پاكه ژ خیر و کەرەمین خۆ د دەته مرۆفی، فیجا ئەو پسیار ناکەت و داخواز ناکەت بەلی خودای پاك د دەته وی یی دفتیت.

بەلی، چیدبیت پەیفەکا بتنی ببیتە ئەگەر بۆ قورتالبوونی ژ ئاگری و ببیتە جەهی رازیبوونا خودای پاك، و چیدبیت ری نیشاناناکەسەکی بتنی ببیتە جەهی رازیبوونا خودای پاك هەرۆکی ری نیشاناناکەسەکی هەزار مرۆفا کری. فیجا دفتیت گەلەکی ل بەرچاڤ نەئیتە وەرگرتن.

هەرۆسا دلسۆزی د کاریدا و دویفچوونا هەقیی تیدا ب ئەفا ل خواری دئیتە نیاسین: ب راستیا حەزا مفا گەهاندا موسلمانا ب

گشتی ژئیدمەری فی مفای چ بیت و ژ کیش مروقی بیت- و قالبدانا
 وەرگرتنا وانە و ری نیشاندانی ژ من بتنی دا خیرا ئاخرەتی
 بگەهیتە من ئەفە حیلانە فسی و فیلبازیا ئەزئەزییە.

هەمی ئەووی تو یی رژد ل سەر پتر خیری و نەرازی ب وی کاری بو
 ئاخرەتی کری: بزانه خودایی مەزن ھندەک پیغەمبەرین ھیژا
 ھنارتینە، و ژبلی کیمەکا بتنی کەسی باومری پی نەئینایە. و دگەل
 فی چەندی خیرا مەزن یا پیغەمبەراتیی ب تەمامی و بیی کیماسی
 گەھشتی. فیجا پیشاتی و خیر نەد پتیا دویکەتیین باومردار دایە،
 بەل د ب دەستفەئینانا شەرەفمەندیا رازیبوونا خودایی پاکدایە.
 هەمی ئەووی رژد تو چی حەتا حەزیکەیی خەلک ھەمی گوھی خو ب
 دەنە تە، و تو ژ ئەرکی خو بی ناگەھ دبی و پیکۆلی دکەیی مایی
 خو ریغەبەرن و کاروبارین خودیدا دکەیی؟ بزانه دەمی خەلک باومر
 ژ ناخفتنا تە دکەن و بانگەوازی تە وەردگرن و ل دۆر تە کۆم دبن
 بزانه ئەفە کەرەما خودی یە د دەتە وی یی وی بقییت، فیجا خو ب
 وی تشتیغە مژویل نەکە یی تاییبەت ب ریغەبەرن و کاروبارین
 خودیغە، بەل خەما خو بکە بجهئینانا وی ئەرکی تو پی ھاتیە
 سپارتن.

ھەرودسا گوھدانا ھەقی و راستیی، و ب دەستفەئینانا خیرا وان نە
 بتنی گریدای نغشی مروقی ب تنییە، بەل خودی ھندەک
 بەندەییین دی ھەنە ژ خودان ھەست و رۆحانی و ملیاکەتا کو

هممی رهخین گهر دوونی تژی کرینه و ئافاکرینه. فیجا نه گهر ته هیشا پتر خیرا ئاخره تی دفتیت دلسۆزیی بگره و بخو بکه شهنگسته بو کاری خو و رازیبوونا خودی بتنی بکه ئارمانج و مهرهم د کاری خودا، دا ب -دلسۆزیی و ئنیه تا پاک و خو سه ر- نه و په یقین ژ لیقین ته دهر دکه فن بژین و ل ئه سمانی به لاف ببن دا بگه هنه گوهی بونه وهرین خودان ههست نه قین نه ئینه حسیبکرن و هه ژمارتن، فیجا وان رو ن بکه ت. و ب فی چه ندی دی چه ند قات خیرا مه زن ب دهست ته فه ئیت، چونکی نه گهر بو نمونه ته گوت: ((الحمد لله)) دی ب فه رمانا خودی- ملیونه ها ملیون ژ بچویک و مه زنا د ئه سمانیدا د دویف ته دا بیژن ((الحمد لله)). خودی هند گو ه و گوهدار نه قین گوهی خو د دهنه وان په یقین زور و خوش یین ئافران دین کو نه ئینه هژمارتن، و چو ژ هه ستایی و دهر پژی د کاری خودایی په یدا گهر و کاربنه جه دا نینن. فیجا نه گهر دلسۆزیی و ئنیه تا پاک و خو سه ر ژیان کره د وان په یقین به لاف د ناف گهر دیله یین با ییدا دی ب تامه کا خوش وه کی تاما فیقین خوش چنه د گوهی وان رو حانیاندا، به لی نه گهر رازیبوونا خودی و دلسۆزی نه چنه د ناف وان په یقیناندا، دی تاما وان نه خوش بیت، و گو ه دی خو ژئ دهنه پاش و وهرنا گرن، و خیرا وی دی مینیته د دهرکه فتنا وان ژ ده قیدا بتنی.

فایجا بلا خواندهفانین قورنانا پیروز ئهوین دهنگین وان نه خوش و گازندا ژ کیمیا گوهدارا بو خو دکهن بلا گوھی خو بدنه فی چهندی!.

ئهگهری چاری:

ریکنه کهفتنا خودانین هیدایهتی و ههسویدیا وان نه ژ هزرنه کرنی د چاره نفیسی و اندایه و نه ژ دیتنا وان یا بهرتهنگه، ههروهسا ریکنهفتنا مجد د ناف خودانین گومراییدا نه ژ دوودلی ل سهر چاره نفیسی وایه و نه ژ دیتنا وان یا بلند و کویره، بهلی خورانهگرتنا خودانین هیدایهتی ل سهر بهردهوامی و راسته پرایی د کاروانیدا، و ههساریا وان د دلسۆزی د کاریدا وان ژ خوشیرنی ب باشین وی ناستی بلند بی بهر دکته، فایجا د کهفنه د ریکنه کهفتنیدا هه رچهنده ئه و ناقل و دلین سلامهتی دبینن و ژ ههقی و راستی و هردگرن بو خو د کهنه ریبهر و ب لایی دلخوایی نه فسیقه ناچن.

بهلی دی بینی خودانین گومراییی ب ریکا ل بهر خوشکرنا نه فسی و دلخوایی و ب داخوایی ههستین شه هوهتی و دهروونی ئه فین نهشین چاره نفیسی ببینن و دهه مهکی خوشیا پیشیخستی و بهروهخت د دهنه ب چهن دین دهه مین خوشیا پاشیخستی- د ناف خودا ریکنه کهفن ب مجدی و ل دۆر ب دهستقه ئینانا بهرژه و هندیه کا پیشیخستی و خوشیه کا بهردهست کۆم دبن.

بهائی، دئی بینی خه لکی دنیا یی یین ساویلکه ژ خودانی دلین مری و ئه وین ب دویف دلخوازیین نزم و بی بها کهفتین ئیکدوو دگرن و ل سهر بهرژه وهندیین دنیا یی یین پیشئیخستی د ناقبه را خودا ریكدکهفن.. بهائی گه لهك ریك یین ههین بهرانبهر خودانیین هیدایه تی بو ریكدکهفتنا مجد و ئیگرتنا تهمام و قوربانیدانه کا بهرهمدار و راسته رییه کا موکوم د ناقبه را خودا، چونکی ئه و ب ریكا روئاهیا ئاقلی و گه شاتیا دلی بهر ب چنينا فیقییین ئاخره تی یین نهمر و ههروههر و پاشئیخستی دچن، بهائی چونکی ژ دفن بلندی و خومه زنکر و زیده کرن و کیمکرنی رزگار نه بووینه فیجا ژیده رهکی مهزن و زهنگین یی پری هیژ کو ئیگرتنه بهرزه دکهن و ژ دهست د دهن، و د ئه نجامدا دلسۆزی ژی ژ دهست دچیت و پویج دبیت، و کریارین ئاخره تی ب بهر ئا فیدا دچن و پویج دبن، و ب دهستقه ئینانا رازیبوونا خودی ب زهحمهت دکه فیت.

چاره سه ری و دهرمانی فی نه ساخیا ترسناک ئه فهیه:

شانازی ب هه فالینیا دویکه تیین پهیره وی ههق، و گریدانا په یوه دنیا فیانی دگهل وان وهك بجهنیمان بو فی فهرموودا پیروژ: ((الجب فی الله))⁽⁷⁾، ئانکو فیان بو خودی. پاشی دویفچوونا وان بکهت و هیلانا شهرفمه ندیا پیشاتیی بو وان و هیلانا خومه زنکر

⁽⁷⁾ ((والجب فی الله و البغض فی الله من الایمان))، رواه البخاری-کتاب الایمان، ئانکو:

((و فیان بو خودی و نه فیان بو خودی ژ باوه رییه)).

و دىفن بلنديى، ب ئافاكرون ل سەر ئەحتىمالا كو دويكەتیی ھەقىی ھەر كى بيت- ژوى چىتر و باشترە. دا ب دەستقەئىنانا دلسۆزى ب ساناهى بگەفیت، پاشى مروؤ بزانیت كو دەرھەمەكى كارى دلسۆز و خووسەر بو خودى فەرتر و پەسەندترە ژ چەندىن دەرھەمىن كارىن شىلى و دلسۆزى تىدا نەى، پاشى مروؤ مانا ل ئاستى دويكەتى ب سەر ھەزا وەرگرتنا بەرپرسىي بىخىت ئەفا كو كىم جارا مروؤ ژ مەترسىا وى ب سلامەت دبىت.

ب فان تشتا دى ئەف نەساخيا ترسناك ئىتە چارەسەر كرون و مروؤ دى ژى ب سلامەت دبىت، و دلسۆزى ب دەستخوفە ئىنیت، و دى ژ وان باوھردارا ئىتە حسىبكرن يىن ب دروستى كارىن خو يىن ئاخرەتى ئەنجامداين.

ئەگەرى پىنجى:

ژىدەرى رىككەكەفتنا خودانىن ھىدايەتى نە لاوازا وايە، ھەرودەسا ژىدەرى رىككەكەفتنا توند يا خودانىن گومرايىي نە ھىزا وايە، بەلكى ژىدەرى رىككەكەفتنا خودانىن ھىدايەتى ھەستەنەكرنا وايە ب پىدقىي بو ھىزى، ژبەر وى شەنگستەيى بەھىزى باوھرىا وان يا تەمام دەتى. و ژىدەرى رىككەكەفتنا خودانى بى ئاگەھى و گومرايىي نە لاوازا و بى دەستھەلاتىە، چونكى وان د وژدانا خودا چو شەنگستە نىنن پشتا خو ب ھىزا وى پى گەرم بکەن. ژبەر پىدقىا زور يا لاوازا بو رىككەفتنى دى بىنى ب رەنگەكى بەھىز

ریکدکهفن، و ژبه ر لاوازا ههستکرنا یین بهیز ب پیدفیی بو فی
ریککهفتنی ریککهفتنا وان یا لاوازه. مهته لا وان د فیریدا وهکی
مهته لا شیرایه ئهفین ههست ب پیدفیی بو ریککهفتنی ناکه ن فیجا
دی بینی کتن و ب تنی نه، بهلی پهز و بزنین کیفی ب کومی دژین
ژ ترسین گورگا دا. ئانکو کومه لا لاوازا و کهسی مهعهوی یی
نوینه راتیا وان دکهت یی ب هیزه و کومه لا یین بهیز و کهسی
مهعهوی یی نوینه راتیا وان دکهت یی لاوازه⁽⁸⁾، و ئاماژه کا جوان
بو فی نهینیی د خاله کا قورئانی یا جواندا ههیه ئه وژی ئه فهیه:
کریارا ((گوت)) ب شیوازی نیر بو ئا فرهتا بکارئینا ههر چهنده
ئه و ژنن و کومن- د فی گوتنا خودایی مه زندا: {وَقَالَ نِسْوَةٌ فِي
الْمَدِينَةِ...} ﴿يوسف: 30﴾، بهلی کریارا ((گوتن)) ب شیوازی می
بکارئینا د فی گوتنا خودایی مه زندا: {قَالَتِ الْأَعْرَابُ...}
﴿الحجرات: 14﴾، ههر چهنده ئه و کومه کا زه لمانه، ئه فهژی
ئاماژه کا جوانه بو: کوما ژنن لاواز و نازک ب هیز دکهفن و

⁽⁸⁾ ئه ف تشتی پشته فانی فی بوچونا مه دکهت ئه فهیه: بهیزترین ریکخراوین
ئه وروپی و یی ژ هه میا کاریگه رتر ل سه ر جفاکی و ب هیزتر ژ لایه کیفه-
ریکخراوین نقش نازک یین لاوازن، نه خاسمه ریکخراوین ژنا ل ئه مریکا ئه فین
داخوازا ماف و ئازادیا ژنی دکه ن .. ههروه سا ریکخراوین ئه رمه نیانه -کو
کیماتیه کن و لاوازن د ناف مله تاندا- فیجا دی بینی قوربانیدان و قاره مانیه کا
مه زن نیشان د دهن.

جۆرهكى مېرانی و زهلامینی ب دهستقه دئینن، فیجا فی چهندی کارئینانا شیوازی نیر خواست، و کریار ((گۆت)) گونجای و زیده جوان بوو بو وان، بهلی چونکی زهلامین بهیز پشتا خو ب هیزا خو گهرم دکهن نه خاسمه کوچهرین دهستی فیجا کوما وان لاواز بوو ههروهکی جۆرهکی تایبهتمه ندیا مییاتیی ژ هشیاری و ترس و نازکی و نهرماتییی ب دهستقه ئیناین ... فیجا شیوازی میکرنی بو کریاری گهلهك یی گونجای بوو د فی گۆتنا خودایی مهزندا {قَالَتِ الْأَعْرَابُ...}.

بهلی، ئهوین داخوازا ههقییی دکهن نابینن کو ئه و پیدفی هاریکاریا یین دینه ژبه ر وی باوه ریا بهیز یا د دلی واندا ئه فا پشته فانیه کا مهزن د دهته وان و پشت گهرمی و خوته سلیمکرنی ل دهف وان پهیدا دکهت، ههتا خو ئه گهر پیدفی یین دی ژی بن بهیز خو پیقه نا گریدن. بهلی ئهوین دنیا کریه خه ما خو ژبه ر بی ئاگه هیا وان ژ پشته گهرمی و شهنگسته یی وان یی راسته قینه و بهیز- خو دبینن لاواز و بی دهسته لات ژ بجهئینانا کاروبارین دنیا یی و د ئه جامدا ههست ب پیدفی هه کا فهر دکهن بو وی یی دهستی هاریکاریی بو دریزکتهت و ب رهنگه کی مجد کو بیی قوربانیدان و خوگوریکرن نینه دگهل ریكدکهفن.

و هوسا داخوازکهرین ههقییی ب دروستی بهایی هیزا ههقییی د ریكکهفتنییدا نزانن و پویته پی ناکهن فیجا دگه هه نهجامه کی

پویج و مهترسیدار ئه‌وژی ریکنه‌که‌فتنه، به‌لی چونکی خودانیین نه‌هه‌قی و گومراییی ژبه‌ر بی ده‌سته‌هلای و لاوازی خۆ-هه‌ست ب وی هیزا مه‌زن دکهن ئه‌وا د ریکنه‌فتنییدا فیجا باشرین ریکا وان بگه‌هینیته ئارمانجا وان ب ده‌سته‌هات، ئه‌وژی ریکنه‌فتنه.

ریکا قورتالبوونی ژ فی ژیواری پویج و ب ئیش. و رزگاربوونی ژ فی نه‌ساختیا کوژه‌ک، نه‌ساختیا ریکنه‌که‌فتنی ئه‌فا تووشی خودانیین هه‌قیی بووی ئه‌فه‌یه: ئه‌و نه‌هیا خودایی یا د فی ئایه‌تا پیروژدا: {...وَلَا تَنَازَعُوا فَتَفْشَلُوا وَتَذْهَبَ رِيكُمُ...} ﴿الأنفال: 46﴾، ئانکو: (و به‌ره‌نگاری ئیکدووو نه‌بن، هوین دی سست بن و هیز و شیان هه‌وه نامینیت)، و ئه‌و نه‌هیا خودایی یا د فی ئایه‌تا پیروژدا: {...وَتَعَاوَنُوا عَلَى الْبِرِّ وَالتَّقْوَى...} ﴿المائدة: 2﴾، ئانکو: (و ل سه‌ر باشی و پاریزکاریا خودی هاریکاریت ئیک بن)، ببه‌ دوو ده‌ستۆر بو کاری ژیا نا جفاکیی. هه‌روه‌سا مروّف بزانیته کا چه‌ند زیان د ریکنه‌که‌فتنییدا هه‌نه بو ئیسلامی و موسلمانا و کا چه‌ند ریکی بو خودانیین گومراییی فه‌دکته کو ده‌ست ب سه‌ر خودانیین هه‌قییدا بگرن. دویفدا مروّف بگه‌هیه‌ته کاروانی باوه‌ریی ئه‌فی داخوازا هه‌قیی دکته و مروّف ب دلسۆزی و قوربانیدان و هه‌سته‌کرنی ب بی ده‌سته‌هلای و لاوازیه‌کا ته‌مام بچیه‌ته د ناف ریزین وی کاروانیدا، دگهل خۆنه‌قیانی و رزگاربوونی ژ رویمه‌تیی ب ئارمانجا گه‌هشتنا ب ده‌سته‌ئینانا شه‌ره‌فه‌ندی دلسۆزیی.

ئەگەرئ شەشئ:

ژۆیدەرئ رۆکنەگەفتنا خودانئین هەقیئ نە ژ نەبوونا مۆرانی و زەلامینیئیه و نە ژ نزمبوونا هیممەتی و نەمانا غیرەتیئیه، هەرودسا ژۆیدەرئ رۆککەفتنا مجد د نافیئەرا خودانئین گومراییی یئین بەرزەبووی ئەفئین ئارمانجا وان دنیا نە ژ مۆرانی و زەلامینیئیه و نە ژ غیرەت و بلندیا هیممەتیئیه، بەئۆ خودانئین هەقیئ بەرئۆ خۆ دا خیرا ئاخەرەتی فئیجا غیرەت و هیممەت و مۆرانی وان بو وان مەسەلەییئ گرنگ و مەزن چوون، و چونکی ئەوا پتریا دەمئۆ خۆ-کو ئەو سەرودتی وان یئۆ راستەقینە- بو مەسەلەیهکا دەستنیشانکری ب تئئۆ نا مەزئیخن، فئیجا رۆککەفتنا وان نابیتە رۆککەفتنەکا موکوم دگەل دویکەتیئین رۆکا هەقیئ، چونکی مەسەلە گەلەکن و مەیدان ژئ گەلەک بەرفرەهە.

بەئۆ مروفئین دنیا یئین بی ئاگەه، چونکی دیتنا وان د ژیاننا دنیا یئ ب تئیدا قالبدا یه-کو مەزنتزین خەم و هەمی زانینا وایه- دئ بینئ هەفبەندیا وان دگەل ئۆک ب هیزترین هەفبەندیە ب هەمی هەست و گیان و دل و هزرئین خۆفە. فئیجا هەر کەسەکی دەستی هاریکاریئ بو درئۆر بکەت دئ ب هیز گرن، و ئەو دەمئۆ خۆ یئ گران بەا د هئدەک مەسەلەییئ دنیا ییدا قالب د دەن-کو چو بەایی خۆ ل دەف خودانئین هەقی و راستیئ نینە- مەتەلا وان وەکی مەتەلا وی مروفئ جوهی یئ دینە ئەفئ پارچەکا شیشە ی

بیّ بها ب بهایی بهرین ب قهدر و گران بها کری. فیجا کرینا تشتی ب بهایهکی مهزن، و تهرخانکرنا ههمی ههستا بهر ب وی تشتیقه بیّ گومان دیّ مروّقی بهر ب سهرکهفتنی بهت خو ئهگهر ریّک یا نهههق و پویج ژی بیت، چونکی دلسۆزیهکا مجد یا تیدا ههی. ژبهر فیّ جهندی خودانیّن نهههقیی دشینه خودانیّن ههقیی، و خودانیّن ههقیی دیّ دلسۆزیی ژ دهستدهن و دیّ کهفنه د نهالا رهزلی و رومهتییدا، و دیّ نهچار بن خو دهفخووش و حولی کهن بو خودانیّن دنیایی ئهقیی بیّ بههر ژ ههمی رمانیّن میرانی و هیممهت و غیرهتی.

فیجا ههی خودانیّن ههقیی! و ههی خودانیّن شریعت و راستی و ریکی! و ههی ئهویّن داخووزیا ههقیی دکهن پپخههت ههقیی! کاربکهن بو لادانا فیّ نهساخیا ترسناک، نهساخیا ریکنهکهفتنی، ب ریکا دویشچوونا رهوشتی قورئانا پیروژ، ئهوژی ئهفهیه: {...وَاِذَا مَرُّوا بِاللُّغِ مَرُّوا كِرَامًا} ﴿الفرقان: 72﴾، ئانکو: (و ئهویت گاها د بهر تشتی بیّ هایدمرا [چ گوئن چ کریار] دبۆرن، رویی خو ژی وهردگیپرن، بیّ خو شکاندن)، ل خهلهتیین براییین خو ببۆرن و ل خهمسارییین وان نهگرن، و چافیین خو ژ کیماسیین نیكدوو بگرن، و گینگهشین نافخویی ب دهنه نالهکی. چونکی دوژمنیّن دهرفهیی ژ ههمی رهخافه د ئینه ههوه، و قورتالکرنا خودانیّن ههقیی ژ کهفتن و رهزلیی. ب کهنه گرنگترین ئهرکین خو یین ناخرهتی و

ژ ھەمىيان پتر خەمى ژى بخۆن، و ئەو برايه تى و ڤيانا ئىكدوو و ھەڤكاريا سەدان ئايەت و ھەرموودىن پىرۆز ھەرمان پىكرى ب جھىبنن، و ھەمى ھەستىن رىككەفتن و تەبايىي دگەل برايين خۆ يىن ئايىنى و پەيرەوى ھەقىي يى رۆن و ئاشكرا بگرن ب رەنگەكى بەيتر ژ گرتنا مرۆڤىن دنيايى يىن بى ئاگەھ، و بەردەوام ژ كەفتنا د رىكنەكەفتنىدا ھىيار بن و خۆ ژى بپارىزن، و كەسەك ژ ھەو ھەبىژىت: ((ئەز دى دەمى خۆ يى پىر بەھا د خواندنا زكرا و ھزركرنىدا بۆرىنم، ل شوينا بۆراندنا وى ب فان تىشتىن لاوھەكىفە)) ڤىجا خۆ ژ مەيدانى ڤەكىشىت و ببىتە رىكەك بۆ لاوازبوونا رىككەفتن و ئىكگرتنى و ببىتە ئەگەر بۆ لاوازبوونا كۆما موسلمان، چونكى ئەو مەسەلەيىن ھوين ھزر دكەن كو لاوھكى و سادەنە ئەو گەلەك د گرتگن د جىھادا مەعنەويدا. دا ب نمونەكى رۆن بكەين: كا چەوا مان و زىرەڤانىا سەبازەكى د چەپەركىدا ژ چەپەرىن ئىسلامى -ل دويف مەجىن تايبەت و گرتگ- بۆ دەمژمىرەكى چىدبىت بەرانبەر سالەكا پەرسىتى بىت، ھەرودەسا رۆژا تە يا پىر بەھا ژى ئەڤا تو د مەسەلەكا لاوھكى ژ مەسەلەيىن جىھادا مەعنەويدا د بۆرىنى نەخاسمە ل ڤى دەمى يى خودانىن ھەقىي كەفتىنە لەپىن خۆ، ئەز دىبىژم ئەڤ رۆژا تە چىدبىت ھوكمى دەمژمىرەكى ژ مان و زىرەڤانىا وى سەربازى ۋەربگرىت، ئانكو دى خىرا وى مەزن بىت، و چىدبىت ئەڤ رۆژا تە

ب هزار رۆژا بیت. چونکی مادهم کارکرن بۆ رازیبوونا خودی یه و
 د ریکا ویدا یه بهری خۆ نائیته دان بۆ مهزنی یان بچویکیا وی،
 کاری هندی گهردیلهکی د ریکا رازیبوونا خودیدا ب دلسۆزی دی
 بیته ستیرهگا گهش، فیجا چهوانیا ریکی ل بهرچا نائیته
 وهرگرتن بهلی یا گرنگ ئه نجام و ئارمانجه، و مادهم ئه و ئارمانجه
 رازیبوونا خودایی پاکه، و شهنگستهیی کاری دلسۆزیه، هینگی ئه و
 مهسهله نه مهسهلهیهکا بچویکه، بهلی ئه و یا مهزنه.

ئهگهری هفتی:

ژیدهری ریکنهکهفتنا خودانی راستی و مملانییا وان نه ژ
 غیرهتی یه د نافهرا ئیکدوو دا و نه ژ رژیی یه ل سهر پهرگالی
 دنیا، ههروهسا ژیدهری ریکهکهفتنا مروفی دنیا یی بی ناگهه
 زی نه ژ کهرامهت و میرانیا ویه. بهلی خودانی راستی نهشیان
 پاریزی ل سهر وان چاک و قهنجیان بکهن ئهوین ژ پیگریا ب
 راستی ب دهستقهدهن و نهشیان بهردهوام و خوراگر بن د
 چارچوفی مملانهیا پاک د ریکا راستییدا ب ریکا چوونا یین نه
 تهمام ژ وان د فی مهیدانییدا. لهوا فیجا زیان گههاند و وان
 سالۆخهتین چاک، و کهفتنه د ریکنهکهفتن و پیکنهکرنییدا و د
 ئه نجامدا زیانهکا مهزن گههاند و کۆما موسلمانا.

بهلی یین گومرایی و بی ناگهه چونکی ئه و د بی دهستهلات و
 رهزیلن فیجا دهستین خۆ کرنه تیکدا و ب راست دگهل ههر

مرؤفه كى ههبيت ئىگرتن، بهلكى حهتا دگهل مرؤفېن ئاست نزم و بى بها و ساويلكه ژى دا ئهو بهرژه وهنديين ئهو ل دويف د بهزن ژ دهست نهچن، و دا ههقالين خو و سهروكين خو ئهفېن هند ل دويف فهرومانين وان دچن حهتا پلهيا په رستنى ژ خو توره نهكن پيخه مهت وان بهرژه وهنديا، لهوا دگهل وان يين وهكى خو ريككهفتن و ب هه رهنگه كى ههبيت ل دور وان بهرژه وهنديا كو مبوون، د ئه نجامدا گه هشتنه وى تشتى وان دقيا ژ بهر فى رژدى و مجداييى د مهسه ليدا، فيجا هه ي خودانين هه قى و راستيى و هه ي ئه ووين ئيشا ريكنه كهفتنى هوين گرتين:

هه وه د فى كاودانى نه خوشدا دلسۆزى بهرزه كر و هه وه رازيبوونا خودى نه كره ئارمانجا كارى خو، فيجا هه وه ريك بو كهفتنا خودانين هه قى خوشكر، و هه وه ته حلاتيا رهزىلى و سقكى دا وان. بزائن كو نه هه سويدى و نه مملانى و نه غيرت د كاروبارين ئايينيدا نينن، و ب ديتنا راستيى تشتين وهكى فان تيدا نينن. چونكى ژيدهرى هه سويدى و مملانى ئه وه ده مى گه لهك دهست د چنه تشته كى ب تنى، فيجا گينگه شه و بهريكانى و مملانى دبىته ريك بو خوزيكا و هه سويدى و مادهم دنيا يا بهرته ننگ و بهروه خته و هه زين مرؤفى و داخوازيين وى يين زور تير نابن، و مادهم گه لهك مرؤف هه نه بهريكانى بو تشته كى بتنى دكه ن، كهفتنا د نهالا هه سويدى و مملانى دا دى بىته ئه نجام. بهلى ل

ئاخرهتا بهر فرره دئی ههر موسلمانهکی بجهشتهکا فرههیا وئ هندی ئهرد و ئهسمانا ب درئژیا پئنج سهد سالا گههیتی⁽⁹⁾، و ههر

⁽⁹⁾ پسیارهکا زیده گرنگ هاتیه کرن: چهوا دئی ئافلین مه یین تخویدای شین د راستیا وی تشتی گهن نهوئ هاتیه فهگیړان کو دئی بجهشتهکا فرههیا وئ پئنج سهد سال ئیتهدان بؤ مروؤفی باومردار؟

بهرسف: کا چهوا ههر مروؤفهکی د فئ دنیایدا دنیایهکا تایبتهت و بهروخت ههیه، نهوؤی ژيانا ویهه کو ب ههستهوهرین خو یین سهرفه و ناقدا خوشیی پی دبتهت، ههتا نهو دشیت بیژیت: روژ بو من گولوبه و ستیر بو من چراکن، فیجا ههبوونا بهنهوهر و زیندهوهرین دی ههفرکیی د ملکینیا وی بو واندا ناکهن، بهئ بهلکی دنیا یا تایبتهت ئافا دکهن.

بجهشت ژی ههروهسایه -دگهل جوداییهکا مهزن- ههر باومردارهکی -زیدهباری میرگا خو یا تایبتهت ئهفا هزارهها قهسر و پهریین چاف مهزن بخؤفه دگریت- نهوی بجهشتهکا تایبتهت یا فرههیا وئ پئنج سهد سال ژ بجهشتا گشتی ژی یا ههی مروؤفی باومردار دئ ب رهنگهکی هیژای بجهشتی و نهمریی خوشیی پی بهت ب ریکا وی تشتی ههستهوهرین وی ئاشکرا دکهن و ههستین وی کهیفخوش دبن ل دویف پلهیا ههر باومردارهکی، فیجا ههبوونا یین دی دگهل وی و پشکداریا وان دگهل وی چو ژ خوشیپیرن و تامکرن و ملکینیا وی کیم ناکهن بهئ بجهشتا وی یا تایبتهت و بهر فرره ئافا و جوان و کهسخه دکهن. بهئ، کا چهوا مروؤف خوشیی ب دهف و گوهر و چاف و تامین خو یین دی و ههست و ههستهوهرین خو هههیا دبتهت د دهمزیرهکیدا ل باغچهکی، یان د روژهکیدا ل گهشتهکی، یان د ههیهکهکا تهمامدا ل گهپرانئ ل وهلاتهکی، یان د سالهکا ژیی خوذا ل گهشت و گهپرانهکی.. مهسهلا بجهشتی ژی وهسایه، نهو خوشیا ههستهوهره تامکرن و بیئکرنی د وئ مهملهکهتا نهمردا د سالهکیدا د بهت وهکی خوشییرنی ب فئ دنیا یا فانی د دهمزیرهکیدا ل باغچهکی خوش، و نهو خوشیا ههستهوهره دیتن و گوهلیبوونی د

ئىكى ژ وان دى حەفتى ھزار پەرى و قەسر گەھنى، فېجا چو رامان بو ھەسويدى و مەلانى قەد نىنە، ئەفەزى بەرى مە د دەتە وى چەندى ھەسويدى و مەلانى د كرىارېن چاكدان نىنە كو بەرى مروقى ب دەنە ئاخەرتى، ئانكو دەلىقە بو مەلانى و ھەسويدى تىدا نىنە، فېجا ھەر ئىكى ھەسويدى بىكەت بى گومان ئەو بو رومەتى وەدكەت يان ژى ل ژېر پەردا ئايىنى ل بەرژەوئەندىن دىيى د گەپىت و ب نائى كارى چاك ل بەرژەوئەندىا د گەپىت. يان ژى ئەو بى راستگويە بەس بى نەزانە رىكا كارېن چاك نزانىت و ھىشتا نزانىت كو دلسۆزى گيان و شەنگستەيى كارېن چاكە، فېجا دى دلوفانیا خودى يا بەرفرەھ تومەتباركەت ھەروەكى ژ وى ناگرىت، و دى دەست ھافىتە ھەسويدى و مەلانى و د نەفسا خۇدا جۆرەكى دوژمناتى دگەل وەلىيىن خودى يىن چاك و راستگۆ كەت.

وى مەملەكەتتا نەمەر و جواندا ژ فى رەخى ھەتا رەخى دى د چاچوفى گەشتەكېدا كو پىنج سەد سالا قەدكېشىت و ھىژاى نەمريا وى ھندى وى خوشىيە يا ئەو د وان گەشت و گەپاناندا دېت ئەفېن مروقۇ سالەكى ل فى دنيايى دېت. فېجا ھەر باومەردارەك ل دويف پلەيا خۇ و ل دويف وى خىرا دگەھىتە وى ل سەر وان كارېن وى د دنيايىدا كرىن و ل دويف رىژە و جۆرى خىر و چاكىيىن وى دى ھەست و ھەستەوئەرىن وى قەبن و خوشىيى بەن، فېجا دى ئەو ھەست و ھەستەوئەرىن ل بچەشتى خوشىيەكا گونجاي دگەل نەمريا بەن.

ئەز دى بەحسى رويدانهكى كەم فى راستى ب سەلىنىت:
 هەفالهكى مە يى بەرى نەفيان و دوژمنى د دى ويدا هەبوو
 بەرانبەر كەسەكى دەستنيشانكرى. دەمى پەسنا وى مروقى
 بەرانبەر فى هەفالى هاتيه كرن و د دەرەقا ويدا هاتيه گۆتن: ئەو
 مروقهكى چاكە، ئەو وەليه كە ژ وەليين خودى، مە ديت فى گۆتنى
 چو كارتىكرن لى نەكر، و ژ بەحس كرنا دوژمنى وى ب باشى تورە
 نەبوو. بەلى دەمى ئىكى گۆتى: ((ئەو مروقهكى وىرەك و
 قارەمانە)) مە ديت رها حەسویدی و غىرەتى ل دەف وى هاتە
 نازراندىن. مە گۆتى: ((فلان كەس پلەيا وەلياتى و تەقوايى ژ
 مەزنىر پلەيانە ل ئاخەرتى و چو تىشتى دى ل سەر نائىتە
 پىشان، فىجا كانى گولوپ ژ ستىرا؟! مە ديت بەحس كرنا فى پلەيى
 تو تورە نەكرى بەلى بەحس كرنا هيزا زەقلەكا كو حەتا ل دەف گايا
 ژى هەپە- رها حەسویدی ل دەف تە نازراندى)). گۆت: ((مە
 هەردووكا ئىك ئارمانج د فى دنيايىدا يا بخو دانای، فىجا هيز و
 وىرەكى و يين وەكى فان رىكن بو دەستفەئىنانا وى پلەيا دنيايى
 يا مە بخو كرىە ئارمانج، ژبەر فى چەندى من هەست ب
 حەسویدی و مەملانى كر. بەلى جە و پلەيىن ئاخەرتى بى
 تخويىن، و چىدبىت ئەوى ل فىرى دوژمنى مروقى ل وىرى بىتە
 خوشتفىترىن و بەاترىن هەفال)).

فېنجا ھەي خودانېن راستى و رېكى: خزمەتكرنا ئايىنى نە
تشتەكى كېمە، بەلى بەلكى وەكى ھەلگرتن و پاراستنا گەنجىنەكا
مەزنە، ئەوېن وى گەنجىنەيى ل سەر ملېن خۇ ھەلدگرن مزگىنى
بۇ وان دئىتە دان ب درېژكرنا دەستى ھارىكارىيى ب ھىز بۇ وان
و كەيىفا وان پتر پى دئىت. فېنجا فەرە پېشوازيان وان بېتەكرن
ئەوېن ب فىانەكا خۇسەر بەر ب مرۇقىشە دئىن، و بەرى خۇ ب
دەنە ھىزا وان و كارتېكرنا وان و ھارىكارىيا وان گەلەك بېتەكرن و
ب شانازىشە دىدار دگەل وان بېتەكرن، چونكى ئەون براپېن راست
و پىشتەفان و خۇگورىكەر. مادەم ئەرك فى چەندى ژ مە
دخوازىت، بۇچى دى ب ھەسوئىدى بەرى خۇ دەنى ژبلى مەملانى
و غىرەتى. ھەتا ژئەنجامى فى ھالەتى دلسۆزى بچىت، و كار و
ئەركېن ھەوە بېنە جەي گونەھباركرنا ھەوە ژ لايى مرۇقىن
گومرايى و بەرزەبووى. و د ئەنجامدا ھەوە ب داننە ئاستەكى
نزمتر و كېمتر ژ يى ھوئىن ھىزا، بەلكى وە وەكى وان ھىب بکەن
ئەوېن دنيايى ب ئايىنى دخون و ژيارا خۇ ل ژىر پەردا زانىنا
راستىيى دابىن دكەن و ھەوە ژ وان ھىب دكەن يىن مەملانى
دكەن و د رژد ل سەر پەرگالى دنيايى، و چەندىن گونەھبارىيى دى
يىن ژ ستەمكارى ھەوە پى گونەھباردكەن؟!

چارەسەريا ئىكانە بۇ فى نەساخىيى ئەفەيە: مرۇف نەفسا خۇ
گونەھبار بکەت، و تاگريا ھەفالى خۇ بکەت د دويىچوونا پەيرەوى

ههقییدا و لانهدانى ژ دهستۆرى دادپهرومى و فيانا ههقى، نهقى زانايين هونهرى رهوشتا و روى ب روى بوونا پى رازيبووین کو نافهروکا وى نهفهيه:

((ئهگه مرۆفى فيا ههقى ل سهه نهزمانى وى نهى ئىكى دى -د روى ب روى بوونهكا دهستنيشانكریدا- دهركهفیت و كهيف ب فى چهندى بيت و پشت راست بيت كو ههفركى وى يى ل سهه نههقى و خهلهتیی نهفه د فى حالهتیدا مرۆفى يى ستهمكار و نهدادپهروه)) زيدهبارى كو نهو دى زيانى ژ نهجامى فى چهندى بينيت چونكى نهو فيرى چو تشتين نوى نهبوو ب دياربوونا ههقى ل سهه نهزمانى وى- بهلكى نهف چهنده دى بيته نهگهه نهو دفن بلندبيت، بهلى نهگهه ههقى ل سهه نهزمانى ههفركى وى ديار بوو چو زيان ناگههنى و نهوى دفن بلند ناكهت بهلى دى مفای بينيت ب فيربوونا تشتهكى نوى. ئانكو داخوازهه ههقى يى دادپهروهه كه رب ژ خو فهدين پيخهههت ههقى، و نهگهه ههق ل دهف ههفركى خو ديت دى پى رازى بيت و دى دلى وى پى تهنا بيت.

نهگهه خودانيين ئاييني و راستى و ريك و زانستى نهقى دهستۆرى بكهنه رى نيشاندهه د ژيان و كارين خو دا نهو دى دلسۆزى ب دهستخوفه ئين و دى د كارين خو يين ناخرهتيدا سههركهفن، و دى ب دلوفانى و كهههه خودايى پاك ژ فى نهخوشيا مهزن نهفا تووشى وان بووى و ژ هههه رهخافه نهو گرتين رزگاركههت.

{...سُبْحَانَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ الْحَكِيمُ} ﴿البقرة:

32﴾، ئانكو: (هەر تویی ژ هەمی كیماسیان پاك و پاقر، مه ژ وئ

زانین پێهتر نینه یا ته نیشا مه دایی، ب پاستی هەر تویی زانا و کار

بنهجه).

تهيسينا بيست و ئيكي ژ ((تهيسينا))**دسۆزى**

-2-

((ئەف تەيسينە مەسەلەيا چارى بوو يا ياداشتا هەفدى ژ
ياداشتين نياسينا خودى) بەئ بوو خالا دووى ژ تەيسينا بيستى.
و ژبەر گونجانا بابەتئ وئ دلسۆزىي- و ب ئاڤاكرنال سەر
نورانيەتا وئ بوو تەيسينا بيست و ئيكي، فيجا چو د پەرتوكا
(تەيسينادا)).

(ئەف تەيسينە ب كيماسى هەر پازدە رۆژا بيته خواندن)

بِسْمِ اللّٰهِ الرَّحْمٰنِ الرَّحِیْمِ

{...وَلَا تَنَازَعُوا فَتَفْشَلُوا وَتَذْهَبَ رِيحُكُمْ...} ﴿الأنفال: 46﴾، ئانكو: (و بهرهنگاری ئیکدووو نهبن، هوین دی سست بن و هیز و شیان ههوه نامینیت).

{...وَقُومُوا لِلّٰهِ قَانِتِينَ} ﴿البقرة: 238﴾، ئانكو: (و ب گوهداری ب بهر خودیقه رابن، و هوین وی ژ دل ببهریسن).
 {قَدْ أَفْلَحَ مَنْ زَكَّاهَا (9) وَقَدْ خَابَ مَنْ دَسَّاهَا (10)} ﴿الشمس: 9-10﴾، ئانكو: ﴿9﴾ [سویند ب فان ههمیان] ب راستی کهسی ئەو نهفس ژ گونههان پاقر کر سهرفهرازه [رؤزا ئاخرهتی] ﴿10﴾ و دیسا ب راستی کهسی نهفسا خو ب گونههان کیمر و شکاند، زیانکاره [رؤزا ئاخرهتی].

{...وَلَا تَشْتُرُوا بِآيَاتِي ثَمَنًا قَلِيلًا...} ﴿البقرة: 41﴾، ئانكو: (و ئایهتیت من ئهرزان نهفرۆشن).

گهلی برایین ئاخرهتی! و گهلی ههفالین من یین خزمهتکرنا قورئانی! بزائن و هوین دزائن- کو دلسۆزی د کاراندا نهخاسمه یین ئاخرهتی- ئەفهیه: گرنگترین شهنگستهیه، و مهزنترین هیزه، و هیقیدارترین بهرفهفانه، و کورترین ریکه بو راستیی، و دلۆفانترین دوایا مهعنهویه، و باشتین ریکه بو مههرهه و ئارمانجا، و بلندترین خهسلهته، و پاکترین بهنداتیه.

مادهم رۆناهیین تیشکدر، و گهلهك هیژین موکوم -وهکی فان تایبهتمهندیئا- د دلسۆزییدا ههنه، و مادهم خودی ژ قهنجیا خو ئهرکهکی پیرۆز و گران، و خزمهتهکا گشتی یا مهزن دانایه سهر مه، ئهوژی ئهرکی باوهریی و خزمهتکرنا قورئانییه، و ئهم زیده کیم و لاواز و ههژارین، و ئهم بهرسینگی دوژمنین توند دگرین، و ئاستهنگین مهزن د ئینه ریکا مه، و بیدعه و گومرایی ل دهوروبهرین مه دئین و دچن ل فی سهردهمی نهخوش، مادهم هوسایه مه چو ریک نینن ژبلی گو هند شیان و وزه مه ههین ئهم ب مهزیخین بو ب دهستقهئینانا دلسۆزیی... ئهم نهچارین بو فی چهندی، بهلکی فهرمانا مه پی هاتیهکرن، ئهم گهلهك پیدفی چهسپاندنا نهینیا دلسۆزیینه د خودا، چونکی ئهگهر ئهم وی ب دهستخوفه نهئینین دی هندهك ژ وی تشتی مه کری ژ خزمهتا پیرۆز -حهتا نوکه- دی ژ دهست مه چیت، و دویقدا دی حسیهکا گران ل سهر دگهل مه ئیتهکرن، چونکی ئهم دی بینه ژ وان یین نههیا خودایی و گهفا وی یا توند ژ مه دگریت د فی گوئنا خودایی پاکدا: {...وَلَا تَشْتُرُوا بِآيَاتِي ثَمَنًا قَلِيلًا...} ﴿البقرة: 41﴾، ئانکو: (و ئایهتیت من ئهرزان نهفرۆشن) ژ بهر وی کیماسیا مه د دهرهفا دلسۆزییدا کری فیجا پیخههت تهمایین دنیا یی یین نزم، و خراب، و ب زیان، و شیلی، یین بیی مفا، مه بهختهوهریا ههروههر تیکدا، دا بهرژهوهندیین کهسایهتی یین لاوهکی و بی بها

وهكى خۆ مهزن دیتنى (الاعجاب بالنفس) و رویمهتیى- ههروهسا
 ئەم دى ژ وان ئیینههسیبکرن یین دایه سهه مافیین براییین خۆ د
 فى خزمهتیدا و ژ وان یین خورتى ل پهیرهوی خزمهتکرنا
 قورئانى کرى، و ژ وان یین بى ئەدهبی کرى فیجا ب دروستى بهایی
 پیروزی و و بلندیا راستیین باوهریی نهزانى.

ههى براییین من! گهلهك ئاستهنگ و ریگریین ب زیان، د کهفنه د
 ریکا تشتین گرنگدا بو باشی و ریکیین چاکسازی یین مهزن.
 وشهیتان خۆ دگهل خزمهتکارین وى بانگهوازا پیروز زهحمهت د
 دهن، لهوا پیدفیه مروف پشتا خۆ ب دلسۆزی گهرم کهت و پى تهنا
 و رحهت ببیت، بو پالدانا وان ریگریا و پاشقهزفراندنا وان
 شهیتانا. فیجا ههى براییین من- خۆ ژ وان ئەگهرین کیماسی
 دئیخنه دلسۆزی و لاواز دکهن دویریین کا چهوا هوین خۆ ژ
 دوپیشک و مارا دویر دئیخن و د پارین. فیجا باوهریا مروفی ب
 نهفسا فهرمانکهه ب خرابی نائیت و مروف ژى پشتراست نابیت،
 ههروهكى د قورئانا پیروژدا ل سهه زمانى سهروهرى مه یووسقى
 (سلاف لى بن) هاتى: {وَمَا أُبْرِيْ نَفْسِيْ اِنَّ النَّفْسَ لَأَمَّارَةٌ بِالسُّوءِ اِلَّا مَا
 رَحِمَ رَبِّيْ...} ﴿يوسف: 53﴾، ئانكو: (و ئەز ب راستى خۆ بهرى
 ناکهه کو چو خهلهتیا ناکهه [یووسقى ئەه ئاخفتنه ژ جوامیریا
 خۆ گۆت]، ب راستى نهفس زیدهه خرابیخوازه، ئەه [نهفس] تى

نەبیت یا خودی دلۇفانی پی بری و پارستی). فیجا بلا ئەزنەزی و دفن بلندی و نەفسا فەرمانکەر ب خرابیی مروقی نەخاپینیت. و پیخەمەت گەهشتنا ب دەستقەئینا دلسۆزی و پاریزی ل سەر، و پیخەمەت پالدان و لادانا ریگریا، فان دەستۆرین ل خواری بکەنە ریبه ریڤ خۆ:

دەستۆری وه یی ئیکى:

بلا رازیبوونا خودی د کارین وەدا ئارمانجا وه بیت. چونکی ئەگەر خودایی پاک ژ ههوه رازی بوو پشتدانا جیهانی هەمی چو بها و گرنگیا خۆ نینه. و ئەگەر خودایی پاک وەرگرت رەتکرنا مروفا چو کارتیکرن نینه، و ئەگەر خودایی پاک -پشتی رازی بووی و کاری مروقی وەرگرت و حیکمەتا وی ئەف چەند خواست- حەزکر دی وەل مروفا کەت ئەوژی وی قەبویل بکەن و پی رازی بن، خۆ ئەگەر هوین فی چەندی نەخوازن ژى، لەوا دقیت رازیبوونا خودی بتنى نەیا کەسەکی دی ببیتە مەرەم و ئارمانجا سەرەکی د فی خزمەتکرنيدا .. خزمەتکرنا باوهری و قورئانی.

دەستۆری وه یی دووی:

خۆدویرئییخستن ژ رەخنەگرتنا برایین مه یین د فی خزمەتکرنا قورئانیدا کار دکەن، و ژ ئازراندنا ئارەزوین کەیفخوشیی ب خۆ باشت و مەزنتر دیتنى. چونکی کا چەوا دەستەك د لەشى مروفايدا

حەسۆیدی ب دەستی دی نابەت، و چاف رهخنی ل چافی دی
 ناگریت، و ئەزمان خو ل سەر گوھی نەرازی ناکەت، و دل
 کیماسیین رحی نابینیت، بەلکی هەر ئیک کیماسیا یی دی تەمام
 دکەت و وی د ب دەستقەئینا پیدفیا خودا ستاره دکەت، و خزمەتا
 وی بو ب ساناھی دنئیخیت ... ئەگەر هوسا نەبیت دی ژیاننا وی
 لەشی تەمریت، و رح دی ژئ دەرکەفیت و لەش دی ژ بەرئیک چیت.
 و کا چەوا مەتال و چەرخی ن کارگەھی حەسۆیدی ب ئیکدوو
 نابن، و پیش ئیکدوو ناکەفن و و ئیکدوو ئاراستە ناکەن، و چو ژ
 وان نابنە ئەگەری ژ کارکەفتنا ئیکی دی ب رهخنەگرتن و
 بریندارکرن و دویقچوونا عەورەت و کیماسیا. و حەزا وی بو کاری
 کیم ناکەت، بەلکی هەر ئیک هاریکاریا یی دی دکەت هندی هیژ
 هەی و مەتال و چەرخابەر ب ئارمانجا وان یا دەستنیشانکری
 ئاراستە دکەت، فیجا هەمی بەر ب وی تشتی دچن یی ژ بوو
 هاتینە چیکرن، ب ریکا پشتگرتنا ئیکدوو و ئیکگرتنا تەمام. و
 ئەگەر تشتەکی بیانی هاتە د ناف مەسەلیدا یان مەسەلە ئاراستەکر
 -خو ئەگەر ب فەدەری گەردیلەکی ژ بییت- دی کارگەھ تیکچیت و
 ژ کارکەفیت و د ئەنجامدا خودانی وی دی رابیت پارچین وی ژیک
 ژیک کەت و ژ بنی خراب کەت.

فیجا گەلی قوتابیین بەیامین نوور و گەلی خزمەتکارین قورئانی!
 ئەم هەمی پارچە و ئەندامین د کەساتیەکا مەعنەوی یا هیژای وی

چهنلییه بیژنی: مرۆقی تهمام ... و ئەم هه می وهکی مهتال و
چهرخین کارگه هه کینه کو به خته وه ریه کا ههروهه ر د ژیا نه کا
نه مر دا د ریسیت. فیجا ئەم خزمه تکار و کارکه رین د گه میه کا
خوداییدا کو ئوممه تا موحه ممه دی بهر ب کناری سلامه تی ببه ت
ئه وژی مالا ناشتی و سلامه تییه (دار السلام).

ئانکو ئەم زیده پیدفی پشتگرتن و ئیگرتنه کا تهمام و ب
دهستقه ئینانا نهینیا ((دلسۆزی)) نه ئەفا هیزه کا مهعنه وی ب
قه دهرا هزار و سه د و یازدا ((1111)) کو ژ ئەنجامی چار که سین
تاک هاتیه. بهی .. ئەگه ر سی ئیک ئیکنه گرن دی بهایی وان
مینیت سی بتنی، بهی ئەگه ر ب نهینیا هه ژماری- گه هشتنه ئیک
و ئیگرتن دی بهایی وان بیته سه د و یازده ((111))، و چار چار
ژی ههروه سا ده می هه ر چاره کی بتنی د نفیسی و جودا ژ یین دی
دی سه رجه می وان بیته شازده بهی ئەگه ر ئەف هه ژماره ئیکبگرن
و ب نهینیا برابیه تی و ئیکبوونا ئارمانجی و ئیک ئه رکی ل سه ر
ریزه کی ریکه فتن هینگی دی بها و هیزا وان بیته چار هزار و چار
سه د و چل و چار ((4444)).

گه له ک به لگه و رویدانین میژووی یین ههین یا سه لماندی کو بها
و هیزا مهعنه وی یا شازده که سین براین ئیک و ئیگرتی و
خۆگوریکه ر ب نهینیا دلسۆزیا تهمام پتره ژ یا چار هزار که سا.
حیکمه تا فی نهینیی ئەفه یه:

هەر كەسەك ژ دەه كەسین ب دروستی ریکگهفتین دشیته ب چاقین ههمی براینن خو یین دی ببینیت و ب گوھین وان گولیبیت. ئانكو هەر ئیک ژ وان هند هیزا معنهوی یا ههه ههروهکی ب بیست چاقا دبینیت و ب بیست ئاقلا هزر دکهت و ب بیست گوها گولیدبیت و ب بیست دهستا کاردکته⁽¹⁰⁾.

دهستۆری وه یی سیی:

بزانن ههمی هیزا وه یا د دلسۆزی و ههقییدا.

بهئی! هیز یا د دلسۆزی و ههقییدا، خو خودانین نهههقیی ژی هیزی ب دهستخوڤه دئینن دهمی د نهههقییا خوڤا دلسۆز و خۆراگر بن.

⁽¹⁰⁾ بهئی! كا چهوا پشتگرتنهكا راست، و ئیگرتنهكا تهمام، یا ژ ((دلسۆزی)) دهركهفتی ئهوه تهوهری بهرژهوهندیین بی دویمههیک ل دۆر د زڤن، ههروهسا ئهوه مهتالهکی مهزنه، و شهنگستهکی ب هیزه بو راوهستیانی بهرانبهر مهترسیین زۆر، بهلکی بهرانبهر مرنی، چونکی مرن ژ بلی رحهکی بتنی نابته، چونکی ئهوی ب نهینیا براهیتیا خوهر- د کارۆبارین گریدا ئاخهرتی و د ریکا رازیبوونا خودیدا ب براینن خوڤه هاتیه گریدان، ئهوی هندی ههژمارا براینن خو رحین ههین، قیجا دی ب گرنژینفه پیشوازا مرنی کته و بیژیت: ((بلا رحین من یین دی ب سلامهت بن .. و بلا بمینن ساخلم، چونکی ئهوه دی ژیانهكا معنهوی یا بهردهوام دهته من ب ریکا ب دهستهئینانا خیرا بو من ب بهردهوامی. ئانكو ئهز نه مریمه)) و دی رحا وی ئیته ههلیکیشان و ئهوی دلخوش. و زمانحالی وی دیژیت: ((ئهز دی ژلایی خیریقه ب وان رحا ژیم و ئهز نامرم ب تنی ژ لایی گونهها نهبیت)).

خزمه تکرنا مه د ریكا باوه ری و قورئانییدا ئەو بخۆ بەلگه یه كو هیژیا دهقی و دلسۆزییدا. تشته کی کیم ژ دلسۆزیی د ریكا فی خزمه تکرنییدا فی گوئنا مه د سه لینیته و بو دبیته بهلگه. چونکی: ئەو تشتی ئەفه پتر ژ بیست سالا ئەم پی رابووین ل فی باژیری⁽¹¹⁾ و ل ستهنبۆلی ژ خزمه تکرنا فی ئایینی و زانستی شەری، مه ههشت جارا هندی وی ل فییری کریه⁽¹²⁾ د دەمی ههشت سالاندا. بو زانین ئەوین ل وییری هاریکاریا من دکرن سه د جارا بهلکی هزار جارا پتربوون ژ وان یین ل فییری هاریکاریا من دکهن. خزمه تین مه ل فییری د ههشت سالاندا هه رچه نده ئەز یی بیانیمه و نیمچه نه خوینده وارم و ئەز یی ل ژیر چا فدییریا هندهك فه رمانبه رین دادپه روه ری ل دهف نه هه ی و ل ژیر نه خوشیین وان به لی ژ که ره ما خودی مه هند هیژه کا مه عنه وی یا سه رکه فتن و سه رفه رازی دیتی یا ب ده ستخۆفه ئینای کو سه د جارا هندی وی یه یا به ری مه هه ی، له وا فه ناعه ته کا ته مام ل دهف من په یدابوو کو ئەف پشته فانیا خودایی ژ نافه رپۆکا دلسۆزی

⁽¹¹⁾ مه رهم پی ل فییری باژیری ((وان)) ییه ئەفی دکه فیته باشۆری رۆژه لاتا تورکیا (وه رگیپ ئیحسان قاسم صالحی).

⁽¹²⁾ مه رهم پی گوندی ((بارلا)) یه ئەفی دکه فیته باشۆری رۆژئافا تورکیا ئەفی ماموستا نۆرسی هاتیه دویره ئیخستن بو وییری ل ژیر ئاکنجیبوونا کوته کی ((الاقامه الجریه)) (وه رگیپ ئیحسان قاسم صالحی).

ههوهیه. و ئەز دانپێدانی دکهه کو ههوه ب دلسۆزیا خو یا تهمام -
 ههتا رادهکی- ئەز ژ رویمهتی قورتالکرم، ئەو ئیشا گران ئەوا ل
 ژیر پهردا به لاقبوونا ناف و دهنگا دچیته د نهفسیدا.
 ئەم دوعا ژ خودی دکههین بهری ههوه هههیا ب دهته دلسۆزیهکا
 تهمام و هوین من ژی بکههه دنافدا.

هوین دزانن ئیمامی عهلی (خودی ژی رازی بیت) و شیخ گهیلانی
 (قدس الله سره) بهری خو دایه ههوه و د کرامهتین خو یین نه
 عهدهتی (خارق) دا ب چافی دلوفانی و پویته پیکرن و (تسلیه) یی
 سهحکریه ههوه، ههروهکی ئەو خزمهتین ههوه پیرۆز دکهه. فیجا
 بلا گومان بو ههوه چینه بیت کو ئەو بهریخودان و لی زفرین و
 (تسلیه) ژ بهر چو نه بوویه ژبلی وی دلسۆزیا ل دهف ههوه. فیجا
 ئەگه ههوه ئەنقهست ئەه دلسۆزیه تیکدا، هینگی هوین هیژای
 تارباتیانه. ههه می دهه بیرا ((شهفین دلوفانی)) ئەهفین د
 ((تهیسینا دهی)) دا هاتین بیننه بیرا خو. و ئەگه ههوه بقیت
 ئەه ههردوو ماموستایین ریزدار و هیژا بمینن دوو پشتهفانین
 مهعنهوی بو ههوه دلسۆزیا تهمام ب دهستخوفه بینن بجهئینانا فی
 نایهتا پیرۆز: {...وَيُؤْتِرُونَ عَلَىٰ أَنفُسِهِمْ...} ﴿الحشر: 9﴾، ئانکو:
 (و ئەو وان ب پيش خو دئین و وان ژ خو فهرتر ددان).

ئانکو پیدفیه هوین براین خو ب سهرخو بیخن د پله و پوست و
 خهلاتکرن و ناراسته کرنیدا، ههتا د بهرزه وهندیین ماددی ژیدا

ئەفئین نەفس پى دلخۆش و تەنا دبیت. بەلگى ھەتا وان بەرژەوھەندىيىن خۆسەر و پاك ژى مينا فيرگىرنا راستيىن باوھريى، فيجا ھندى ھوين بشيىن. ھەز نەكەن ل سەر دەستى ھەوھ چيىبن، بەلى رازى بن و دلخۆش بن ئەف چەندە ل سەر دەستىن غەبرى ھەوھ چيىبن دا خۆ مەزن ديتن ل دەف ھەوھ پەيدا نەبیت. و چيىدبیت ئىك ژ ھەوھ ھەز بکەت خيىر بو وى بتنى بيت، فيجا پىكولى بکەت ئەو بخۆ مەسەلەکا گىرنگ د باوھريىدا ديار بکەت، ھەرچەندە چو گونەھ د فى چەندىدا نینە بەلى چيىدبیت پاكى و زەلاليا دلسۆزىيى دناف ھەوھدا شىلى بکەت و تىكبدەت.

دەستۆرى وە پى چارى:

ھوين ب سوپاسيفە- شانازيى ب باشيىن براپيىن خۆ ببەن و د نەفسين خۆدا وينە بکەن، و باشيىن وان ل دەف خۆ ب ھەژميرن. ھندەك زاراف د ناف صوفياندا دئینە ب کارئینان وەكى: فەنابوون د شىخيدا، فەنابوون د پىغەمبەريدا (سلافيىن خودى ل سەر بن). ئەز نە صوفيمە، بەلى ((فەنابوون د براياندا)) دەستۆرەكى تەمام گونجايە بو رىك و پەيرەوى مە. ئانکو ھەر ئىك د پى ديدا فەنا ببیت، ئانکو ھەر براپەك ھەستين خۆ يىن دەروونى ژ بىر بکەت، و ب ھزرا خۆ دگەل باشى و چاكيىن براپيىن خۆ بژیت. چونكى رىك و پەيرەوى مە ((براپەتیه)) بو خودى، و پەيوھنديا مە

پيڭفە گريڭدەت برايه تيا راست و دروستە، نە پەيوەندىا بابى دگەل كورى و نە پەيوەندىا شيخي دگەل موريدى. و مادەم ريكا مە ((دوستينيە)) ريبازا مە ((هەفائينىە)). و هەفائينى ژی: دوستەكى راستگو، و هەفالهكى خوگوريكەر، و برايهكى ميڭخاس و ب غيرەت د خوازيت ... و بنياتى سەرەكى يى قى هەفائينى ((دلسۆزيا تەمامە)). فيجا هەر ئيكي ژ هەوە خەمساري تيدا بکەت ئەو دى ژ کەلها دوستينى کەفيت و ئيتە خواری، و چيدبیت بکەفیتە د دولەکا کویردا چونكى چو جھ ل نيقي نينن.

بهلى! ريك دوو ريکن، هەر ئيكي د ريكا دلسۆزيا تەمامدا مە بهيت كو ئەوە ريكا مەزن يا قورئانا پيرۆز- چيدبیت ببیتە ژ وان يين خزمەتا بى باوهر دوزمنين قورئانى دکەت بيى هەست پى بکەت. ئەوين هاتينە د مەيدانا خزمەتکرنا قورئانا پيرۆزدا ب ريكا پەيامين نوور ب حەزکرنا خودى ئەو ناکەفنه د وئ نهاليدا، بهلکى دى هيژى دهنه نوورى و دلسۆزى و باوهرى.

فيجا گەلى برايين من د خزمەتکرنا قورئانيدا!

گرنگترين ئەگەر بو ب دەستفەئینانا ((دلسۆزى)) و مەزنترين ريك بو پاراستنى ل سەر ئەفەيه: ((هەفەندىا مرنى)):

كا چەوا هيقيين دویر و دريژ دلسۆزى عەيبدار و خراب دکەت و بەرى مروفا د دەتە فيانا دنيايى و رویمەتیی، ((هەفەندىا مرنى)) مروفى ژ رویمەتیی دویردئخيیت، و وەل خودانى وئ

ههقبه ندیئ دکهت دلسۆزیئ ب دهستخۆفیه بینیت. چونکی وی ژ پیلانین نهفسا فهرمانکه ر ب خرابیی خلاس دکهن، ب ریکا بیرئینانا مرنئ و تیبینیکرنا نه مان و فه نابوونا دنیا یئ. ئه فیه و صوفی و خودانین راستیا زانستی ((ههقبه ندیئا مرنئ)) بخۆ کریه بنیات د پهیرهوی رهفترین خودا، و وان ئه ف چهنده ژ فی ئایه تا پیروز وهرگریه: {كُلُّ نَفْسٍ ذَائِقَةُ الْمَوْتِ...} ﴿آل عمران: 185﴾، ئانکو: (هر جاندارهکی هه بیته دی تامکه ته مرنئ)، {إِنَّكَ مَيِّتٌ وَإِنَّهُمْ مَيِّتُونَ} ﴿الزمر: 30﴾، ئانکو: (بی گومان تو دی مری و نهو ژی دی مرن). فیجا ب ریکا فی ههقبه ندیئ هزرا مانا ههروهه ر و خهونا نه مریئ ئه فا ژ هیقیین دویر و دریز چیدبیت ژ دهف خۆ راکر، ژبه ر کو وان وهسا حسیبکر ههروهکی نهو مرین .. و نوکه یین دنینه شویشن .. و نوکه یین د که نه د گوریدا ... و هوسا هندی مروف ب فی رهنگی هزر بکهت نهفسا فهرمانکه ر ب خرابیی ب فی وینهی پتر داخبار دبیت و کارتیکرن لی دنیته کرن و پیچ پیچه دهست ژ هیقیین خۆ یین بهر فرهه بهر ددهت. فیجا فی ههقبه ندیئ گه لهک مفا تیدا هه نه. و بهسی مهیه پیغه مبه ری مه (سلافین خودی ل سهر بن) د فی فهرموودا خۆ یا پیروز دا بهری مه د دهته فی چه ندی: ((أَكثَرُوا مِنْ ذَكَرِ هَازِمِ اللَّذَاتِ الْمَوْتِ))⁽¹³⁾،

⁽¹³⁾ حدیث صحیح رواه الترمذی والنسائی وابن ماجه وابو نعیم فی الحلیة، انظر: (شرح المناوی علی الجامع الصغیر) (وهرگری ئیحسان قاسم صالحی).

ئانكو: ((بیرا وی تشتی لهزمتا ژناف دبهت بیننه بیرا خو ئهوژی مرنه)).

و مادهم ریكا مه راستیهكا زانستیه و نه ریكهكا صؤفیه، ئەم خو وهکی وان نابینین نهچار و پیدفی ب رهنگهکی ئیکسهه بو وی ههقبهندیی ب ریكا هزرکرنی و ئاشوی. زیدهباری کو ئەف شیوازه دگهل پهیرهوی راستیی ناگونجیت. چونکی هزرکرن د چارهنقیسیدا نه ب ریكا ئینانا پاشهروژی یه بو نوکه ب ریكا ئاشوی، بهلی ب ریكا فهگوهاستنا هزری یه ژ نوکه بو پاشهروژی، ئانکو دقیت بهریخودانا پاشهروژی ب ریكا دهمی نوکه و ژیواری بیت ههروهکی ئەو هه ی ب راست و دروستی، فیجا پیدفی ب ئاشوی ناکهت، و مهرج نینه مروف و هسا هزر بکهت کو ئەو دشیت جهنازی خو ببینیت وهك فیقیهکی بارگری ل سهه دارا ژیی وی یی کورت، و ئەگهر ئەو پیچهکی هزرا خو فهگوهیزیت نهبتنی دی مرنا خو بینیت، بهلی بهلکی دی مرنا چاخی خو ژی بینیت، و ئەگهر هزرا خو پتر ب دهته کاری دی مرن و خراببونا دنیا یی ژی بینیت، و ئەها هینگی دی ریك بو وی بهرانبهه ((دلسۆزیا تهمام)) فهبیت.

ئەگەر ئى دووى يى ب دەستفەئينا دلسۆزى ئەفەيه:

((ھزرکرنا ب باوهرى د بۆنەوهراندا)):

ئەف چەندە دى چىبىت ب ھىزا باوهرى يا راست. و ئەف ھزرکرنا دى بەرى خودانى خو دەتە نياسينا خودايى پاك، قىجا دى دل تەنا و رحەت بىت. ب راستى گەشبوونا قى جوړى ھزرکرنا د ھزرا مروفىدا وەل مروفى دكەت بەردەوام ھزرا خو د ئامادەبوون و دىتە خودايى ئافراندر و دلوفاندا بکەت، ئانكو ھەمى دەما يى ئامادەيه و بەرى وى يى لى. قىجا وى دەمى بەرىخو نادەتە غەيرى وى، و ژ بلى وى ژ کەسەكى دى وەرناگرىت. چونكى زفرىن و بەرىخودانا ھندەكىن دى ژبلى وى ئەدەبى ئامادەبوون و تەنابوونا دلى تىكدەت. و ب قى چەندى مروف ژ رويمەتیی خلاس و قورتال دبىت، و ب ھەزکرنا خودى دلسۆزى ب دەستخوفە دئىنيت.

بەلى! گەلەك پلە و ئاست د قى ((ھزرکرنا)) ھەنە. چونكى بەھرا ھەر مروفەكى ئەوہ يا ب دەستخوفە دئىنيت، و فايدى وى ئەوہ يى ژى فايدە دكەت ل دويف شیان و پىچىبوونىن خو.

بلا ئەفە بەس بىت و دى بەرى خواندەفانى قورئانا پىرۆز دەپنە پەيامىن نوور كو گەلەك راستى ل دۆر قورتالبوونى ژ رويمەتیی و ب دەستفەئينا دلسۆزى تىدا ھەنە.

دى ھندەك ئەگەرا ژ وان ئەگەرېن زۆر يېن دېنە ئاستەنگېن
 دلسۆزىي و ژ دەستدانا وى، و بەرى مروقى د دېنە رومەتېي و
 مروقى بۇ پالدىن بەھسكەين:

ئاستەنگا ئىكى يا دلسۆزىي:

ئەو ھەسويديا ژ بەرژەومندىي ماددى چىدبىت.

ئەف ھەسويدىيە پىچ پىچە دلسۆزىي پويچ دكەت، بەلكى كارى ژى
 كرېت دكەت، بەلكى ھەتا وان بەرژەومندىي ماددى ژى ژ دەست
 ددەت.

بەلى، فى ئايەتى بەردەوام قەدر و رېز بۇ وان ھەلگرتيە يېن ب
 مجدى كار بۇ راستىي و ئاخەرتى دكەن، و دەستى ھارىكارىي ب
 دروستى بۇ درېژكرىيە، ب ئىيەتا پىشكدارىكرنا وان د وان كار و
 خزمەتېن راست و خۆسەر دا بۇ رازىبوونا خودى. قىچا ديارى و
 سەدەقە پىشكىشى وان كرىنە بۇ پالدىن پىدقېيېن وان يېن ماددى و
 دا وان ژ خزمەتېن وان يېن مەزن مژويل نەكەت. بەلى دقېت ئەف
 ھارىكارىيە نەئىنە داخوازكرن، بەلكى دئىنەدان. قىچا ھەتا ب
 زمانجالى ژى نائىنە داخوازكرن - ھەكى وى يى ب دلى ل ھىقىي - بەلى
 بى ھسىبكرن دئىنەدان چونكى ئەگەر ھوسا نەبىت دى دلسۆزىيا
 مروقى عەيبدار و كىم بىت، و چو نامىنىت دى چىتە ژىر نەھيا
 خودايى د فى گۆتتا خودايى مەزندا {...وَلَا تَشْتُرُوا بِآيَاتِي مَنَّا

قَلِيلًا...} ﴿البقرة: 41﴾، ئانكو: (و ئايهتت من ئهرزان نهفرؤشن)،
 قِيجا پشكهك ژ كارين وي نائينه وهرگرتن.

حهژيكرنا فان بهرزهوهنديين ماددى و مانا ل هيقيا وان ب هاندانا
 حهزا نهفسا فهرمانكه ب خرابيى و رژديا وى ل سه ب
 دهستقهئينا بهرزهوهنديين ماددى بو خو، ئەف چهنده رها
 ههسویدی ل دهف برايى د ئازرينيت و هاندهرين (نوازع)ين وي د
 راستا برايى وي يى راست و دروست و ههفالى وي يى دلسۆز د
 خزمهتكرنا باوهرييدا لفينيت، د ئەنجامدا دى دلسۆزيا وي پويچ
 كهت و دى پيروزيا بانگهوازيا وي بو خودى ژ دهست دهت، و دى
 خودانين راستيى خو ژى دهنه پاش، بهلكى ههتا دى
 بهرزهوهنديين ماددى ژى ژ دهست دهت. هه چهوا بيت مهسهله يا
 دريژه ...

ئهز دى بهحسى وي تشتى كهه يى دلسۆزيى زيده بكهت و
 بهردهواميى ب دهته تهباييا راست د ناف برايين من يين راستدا،
 ئەز دى د چارچوڤى دوو نمونهياندا بهحسكهه:

نمونهيا ئيكي ((بو بهردهواميدانا دلسۆزيى)):

خودانين دنيايى ((پشكدارى د سامانادا)) كرية شهنگستهيهك بخو
 ب كاردئين بو ب دهستقهئينا سامانهكى مهزن يان هيزهكا
 مهزن، بهلكى ئەوين كارتىكرن د ژيانا جفاكيدا ههين ژ كهسايهتى
 و كوم و هندهك سياسهتهدارا- بخو ئەف شهنگستهيهك كرية

ریبهر. و ژ ئه نجامی دویفچوونا فی شه ننگسته ی هیزه کا مه زن ب دهستفه ئینایه و مفایه کی مه زن ژ ئی کریه، دگهل وان زیان و کارئینانین خراب یین تیدا، چونکی چه وانیا پشکداریی داخبار نابیت ب وان خرابی و زیانین تیدا، چونکی ل دویف فی شه ننگسته ی- ههرئیک خو حسیب دکهت خودانی راسته قینه یی هه می سامانا، ژ لایی پشکداریا وی د درافیدا ژ لایه کیفه و ژ لایی چافدیری و سه ره پشته ی وی ل سه ر ژ لایه کی دیفه، ههر چه نده نه و نه شیت مفای ژ هه می سامانا و هر بگریت.. ههر چه وا بیت ههر ده می ئه ف شه ننگسته یه چو د ناف کارین ئاخره تیدا دی بیته بنه ما بو مفایین مه زن بیی زیان و خرابی. چونکی نه و هه می سامانین ئاخره تی نه یینا چوونا ب ته مامی د ناف ده ستین ههر تاکه کی ژ وان تاکین پشکدار تیدا هه لدگریت، بیی کی مکرن یان پارچه پارچه کرن. دا ب نمونه کی د فی چه ندی بگه هین:

پینج مروفا پشکداری د هه لکرنا چرایه کی زهیتیدا کر. ئیکی گاز ئینا، و یی دی فه تیله، و یی سیی شیشا چراکی ئینا، و یی چاری چراک بخو ئینا، و یی دویمه یی قالکا سخاتی ئینا .. ده می چراک هه لکرین ههرئیک ژ وان بو خودانی چرایه کی ته مام. نه گهر ههرئیکی ژ وان پشکدارا خودیه که کا مه زن ب دیواریفه هه با، دا چرایه کی ته مام د خودیکا ویدا -دگهل وی تشتی د وی ژوریدا هه ی- بیی پارچه کرن یان کی ماسی ره ننگفه ده ت.. پشکداری د

كاروبارین ئاخهرتهی ژیدا- ب نهینیا دلسۆزیی هوسایه، و ب پشتهفانیی ب نهینیا براهیتهی، و دابهشکرنا کارا ب نهینیا ئیکگرتنی، چونکی سهرجهمی کارین پشکدارا، و سهرجهمی وی رۆناهیای ژی دهردکهفیت، ب تهمامی دی چنه د تومارا کارین ههرئیکی ژ واندا .. و ئەفه تشتهکی دیار و بهرچاقه د ناف خودانی راستییدا، و ژ پیدقیین بهرفرههیا دلوقانی و مهردینیا خودایی پاک یا رههایه.

گهلی برایی من ...! هیقیدارم بهرژهوهندیین ماددی ههوه بهر ب ههسویدی د نافبهرا ئیکدوو دا نهین ب ههزکرنا خودایی مهزن. بهلی چیدبیت هوین بینه خاپاندن- کا چهوا پشکهک ژ خودانیین ریکین صوفی هاتینه خاپاندن- ژ دهرگههی بهرژهوهندیین ئاخهرتهی. بهلی بیننه بیره خو ... کانی خیرا کهسایهتی و پارچهیی ژ وی خیرا مهزن یا ژ ئاسویی پشکداریی د وان کارین د نمونهییدا هاتین چیدبیت، و کانی رۆناهیای پارچهیی ژ وی روناهیای گهش.

نمونهیا دووی ((بۆ بهردهوامیدانا دلسۆزیی)):

سهنهتکار و خودانیین پیشهیان بهرههههکی زۆر ب دهستخوفه دئینن ژ نهجمی بجهئینانا شهنگستهیی ((پشکداریی د سنهت و شارهزایییدا)). و ئەفه بۆ ته نمونه:

دهه سنعه تكار و چيكيه رين دهرزيكين دوريارى جودا جودا ب كارى خو رابوون، نه نجام نه فقه بوو ههر ئيكي روژى سى دهرزيك چيكرن ... پاشى ههرسى كهس ل سهر شهنگسته يى ((ئيكگرتن و دابه شكرنا كارا)) ريكيه فتن فيجا ئيكي ئاسن ئينا و يى دى ئاگر، و يى سى رابوونا ب كونكرنا دهرزيكى و يى دى كره د ناه ئاگريدا و يى دى قوتا .. و هوسا. ده مى كهسه كى ژ وان بى مفا نه چو، چونكى ههر ئيكي كاره كى ده ستني شانكري كر و ب لهز نه نجامدا، چونكى بو جارا ئيكي كاره كى پارچه يى ب ساناهيه و بو جارا دووى چونكى شاره زايى و زيره كى ل ده ف پهيدا بوو. ده مى به ره مى زحمه تا خو دابه شكري ديتن به هرا ههر ئيكي ژ وان بوونه سى سه د دهرزيك شوينا سى دهرزيكا ... فيجا نه ف رويدانه بو سروده ك بو خودانى سنعه ت و پيشه يان، نه ف ين داخووا ئيكگرتن و دابه شكرنا كارا دكه ن.

گه لى برايين من! ماده م نه ف مفايين مه زن د ئيكگرتن و ريكيه فتنى د كاروبارين دنيايى و ماددين زوردا هه نه، نه رى تو بيژى خيرا كارين ئاخره تى و نورانى دى چه وا بيت! و دى خيرا ره نگفه دا يى ژ كارين كۆمى هه مى د خوديكا ههر تاكه كى ژ واندا چه ند بيت ژ كه ره ما خودايى! نه و كارين پيدفى پارچه كرن و ژيكفه كرنى نه بن. بو وه هه يه هوين وى مفايى مه زن حسيب

بکەن .. وهی نه خنیکا وی یی ئەف مفا یی مەزن ب حەسویدی و
 نەبوونا دلسۆزیی ژ دەست دچیت ...

ئاستەنگا دووی بو دلسۆزیی:

ئەوژی فیانا بەرفههاتنا خەلکی و داخوازا ئاراستهکرنا وایه ب
 پالدمری فیانا نافداری و بەلافبوونا ناف و دەنگا ئەفا ژ فیان و
 حەژیکرنا ناف و دەنگ و پوستا پەیدا دبیت. هەر وەسا ئەوا ژ
 حەزین نەفسا فەرمانکەر ب خرابیی و حەژیکرنا وی بو پایه و
 ریز و بهایا دەر دکەفیت، دا بەری خەلکی بکەفیتی ... کا چەوا
 ئەفە دەر دکەکی رۆحی یی کوژەکە، هەر وەسا دەر گەهەکە بو
 ((هەفیشکچیکرنا (شرکا) بەرزە)) کو رویمەتی و فیان و
 داخباربوونه ب نەفسی ئەفا دلسۆزیی پویج دکەت.

گەلی براییین من! مادەم ریکا مە یا خزمەتکرنا قورئانا پیروژ
 ئافاکریه ل سەر راستیی و ل سەر براییه تی، و نهینیا براییه تی
 ئەوه کەسایه تی مرۆفی د کەسایه تی براییین مرۆفیدا فەنا
 ببیت⁽¹⁴⁾ و مرۆف وان ب سەر خو بیخیت، فیجا دقیت ئەف جووری
 حەسویدیا ژ فیانا ناف و دەنگ و پوستا پەیدا دبیت کارتیکرنی ل

⁽¹⁴⁾ بەئ، یی بەختەومر ئەوه یی. کەسایه تی خو پافیزیت، و ئەزئەزیا خو ئەفا
 کو وهکی پارچەکا بەفری یه. د وی برکا ب تامدا ب حەلینیت ئەو برکا ژ
 کەوسەرا قورئانا پیروژ دنیت دا چوونا د وی برکیدا ب دەستخوڤه بینیت.

مه نهكەت، چونكى ئەف چەندە ب تەمامى هەفدزە دگەل رىكا مه،
 و مادەم كەرامەت و شەرفمەندىا هەمى برايا بو هەر برايهكى د
 كۆمىدا دزفريت، چىنابىت ئەم فى پاىه و بهايى بلند و كەرامەتا
 مەزن و شەرفمەندىا مەعنەوى يا بلند يا كۆمى بكەينه قوربان
 پىخەمەت نافدارىهكا پارچەيى و سەرودرىهكا كەسايەتى يا ژ
 ئەزئەزى و حەسويدى پەيدابووى ... ئەز يى ل وى باودرى و ئەز
 يى ب هيقى مه كو ئەف چەندە گەلەك دويره ژ قوتابىين نوور.

بهلى، دل و ئاقل و رحىن قوتابىين نوور ناگەهە پلەيا فان تشتين
 نزم و بى بها، بهلى كەسەك نينه نەفسەكا فەرمانكەر ب خرابيى
 نەبىت، چىدبىت -هەندەك جار- هەندەك تشت و حەزىن دەروونى د
 رهين ويدا بىن و بچن يان ب دەمارين ويقه بىنە گریدان و
 هەندەك حومكىن وى تىدا بىن و بچن دگەل هەبوونا ئاقلى و دلى و
 رحى. پشتگەرمى ب وى كارتىكرنا پەيامين نوور ل سەر هەو
 دكەت، ئەز نەشىم دل و ئاقل و رحىن هەو گونەهبار بكەم. بهلى
 چىدبىت نەفس و دلخوازی و هەست بىنە خاپاندن، لەوا چىدبىت
 هەندە ب توندى هوين دئىنە هشیاركرن و ترساندن، ئەو توندىه
 ئاراستەكرىه بو نەفسى و دلخوازی و هەستى و هزرين خەلەت،
 قىجا بەردەوام هشیار بن.

بهلى ئەگەر رىكا مه رىكەكا تايبەت و يا شىخاتىي با، دا جەهەكى
 بلند بتنى هەبىت، يان هژمارەكا فەبرى يا جەين بلند هەبىت، و

دا گهلهك بهر بژیر بۆ وی جهی ههبن. و ئهها هینگی چیدبیت
 ههسویدی و ئهزئهزی د نهفسادا پهیدا ببا. بهلی ریکا مه
 براهیته، نه چو تشتی دی، فیجا بلا چو برا خو حسیب نهکته
 باب بۆ برایی خو، و جلکی ریبهری بۆ وی نهکته بهرخو. چونکی
 جهی بلند د براهیتهییدا گهلهکی بهرفرههه، و دهلیقه بۆ مملانی
 ب ههسویدی تییدا نینه، و ئهگه مملانی ههبیت ژی برا هاریکار
 و تهمامکه و پشتهفانه بۆ کاری برایی خو.

و بهلگه ل سه ر وی چهندی ئهجامین مهترسیدار و د هیلاکبه ر د
 وی ریکیدا هه نه یا جههکی بلند تییدا ههبیت بۆ بابینی و ری
 نیشانان و ماموستایی - کو ژ مملانی و ههسویدی و رژی ل
 سه ر پاداشتی و ههزا بلندیا هیممهتی چیدبن- ئهفهیه:

ئهو پیکنه کرن و مملانی نه یین د چارچوئی وان باشی و
 تایبهتمهندی و بهرژه وهندیین مهزن یین خودانین ریکین صوفی
 بدهستخوفه دئینن چیدبن، ئهفین بووینه ئهگه بۆ هندهك
 ئهجامین مهترسیدار وهل وان کری هیزین وان یین بلند و مهزن
 خو ل بهر باروقین بیدعهیان نهگرن.

ئاستهنگا سیی بو دلسۆزی:

ئهوژی ترس و تهماییه. ئەم دى بهرى خواندهفانى دهینه پهياما ((هەر شەش هیرشا))⁽¹⁵⁾ چونكى من ل ویرى ب ئاشکرایى ئەف ریگریه و چه ندين ریگریین دى شروفه کرینه.

ئەم دوعا ژ خودایى دلوفان و پپر دلوفان و پاک دکهین و هەمی باشنافین وی بخو دکهینه بهرفان: ئەو بهرى مه ب دمه دلسۆزیا تەمام ... ئامین.

یا خودى تو ب هەقى سورهتا ئیخلاصى کهى مه ژ بهندهیین خو یین دلسۆز و قورتال حسیب بکه. ئامین ..

{...سُبْحَانَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ الْحَكِيمُ} ﴿البقرة: 32﴾، ئانکو: (هەر تویی ژ هەمی کیماسیان پاک و پاقر، مه ژ وئ زانینى پێفهتر نینه یا ته نیشا مه دایى، ب راستى هەر تویی زانا و کار بنهجه).

⁽¹⁵⁾ پهيامهكا پر بهايه ل دۆر رافهكرنا گۆتتا خودایى مهزن: ((وَلَا تَرْكُنُوا إِلَى الَّذِينَ ظَلَمُوا فَيَمَسَّكُمُ النَّارُ))، د شەش پیلانین شەیتانیدا دیار دکهت ئەوژی ئەفنه: 1- فیانا ناف و دهنگ و پوستا، 2- ههستکرن ب ترسی، 3- تهمایى، 4- نازراندنا ههستا رهگهز بهرستی، 5- خو مهزنکرن ب زانستی، 6- وهگرتننا پوستا و خهندقین د کاراندا. (وهگپ ئیجسان قاسم صالحی).

مهسه له كا نازك تايبهت ب نهفسیڤه

خودایی مهزن گۆت: {... إِنَّ النَّفْسَ لَأَمَّارَةٌ بِالسُّوءِ...} ﴿یوسف:

53﴾، ئانكو: (ب راستی نهفس زیده خرابیخوازه).

و پیغه مبهری (سلاقیڤن خودی ل سه ر بن) گۆت: (أعدى عدوك
نفسك التي بين جنبيك)⁽¹⁶⁾، ئانكو: (یی ژ هه میا پتر دوژمنی ته
نهفسا تهیه یا د سینگی ته دا).

به لی! ئەو یی! هه ژ نهفسا فه رمانکه ر ب خرابیی یا په روه د نه گری-
بکه ت و پی داخبار بییت، ب راست ئەو هه ژ که سه کی دی ژبلی وی
ناکه ت، هه تا خو هه که قیانا خو بو یین دی ژی ژ نیشا دی خو
دیار بکه ت، چیدبییت ژ بهر بهر ژه وه ندیین خو، و ئەو خوشیا ئەو
ژی چافه ری دکه ت هه ژی بکه ت. قیجا ئەو به رده وام پیکو لا دکه ت
نهفسا خو بو یین دی شرین بکه ت و ئەو یی د خه باته کا
به رده وامدا بو ئازراندنا داخبار بوونا وان ب نهفسا خو، هه ر
کیماسیه کی ژ ده ف خو لادده ت و چو خه مساریا نائیخیه ته قیبه لی
وی، به لکی وه کی پاریزه رکه ی دلسۆز کار دکه ت بو بی گونه هه کرنا
وی، و زیده په سنا وی دکه ت به لکی هه تا ب دره وا ژی بییت دی وی

⁽¹⁶⁾ رواه البيهقي في كتاب الزهد من حديث ابن عباس وفيه محمد بن عبدالرحمن
بن غزوان احد الوضاعين ((عن حاشية احياء علوم الدين))، (وه رگير ئيچسان
قاسم صالحی).

ژ هه می عه یبا یان کیماسیا پاقرکەت و دویرنئیخیت، هه تا نیژیکی پلهیا پیروزیی دکەت به لکی دی گه هیتە وی ئاستی ئەف ئایهتا پیروزل سەر بیته بجهئینان: {...مَنْ اتَّخَذَ إِلَهَهُ هَوَاهُ...} ﴿الفرقان: 43﴾، ئانکو: (ئهوئی دلخووزیا خو کریه په رستی خو)، ئەها ل وی دەمی دی شهقین فی ئایهتا پیروزل دویف ئیک فی کهفن، فیجا دی په سنا وی ئیته فهگوهاستن بو دویرکهفتنا خه لکی ژ وی، و شرینکرنا نهفسا وی بو خه لکی دی ئیته فهگوهاستن بو دلگرانیا خه لکی ژ وی، فیجا دی بهروفاژی وی تشتی بینیت یی وی دفا، زیدهباری کو دی دلسۆزیی ژی ژ دەست دەت، ژ بهر وی رویمهتیا ئەوا د کریارین خو یین ئاخرهتیدا دکەت، د ئەنجامدا دی دەستین خو بهران بهر دلخووزی و ههز و ههستین خو داهیلیت، ئەفین چاره نفیسی نه بینن و ههزرا خو ئەنجاماندا ناکەت و ئەفین ب ههزا خوشیا ب لهز و بهروهختفه هاتینه گریدان. به لکی ههز و دلخووزیین وی یین گومرایی دی بو وی هندهک تشتا دروست کهن و پیخه مهت خوشیهکا ده مژمیره کی نه فه کی شیت بهرئ وی دهته زیندان کرنی بو دەمی سالهکا تهمام و چیدبیت دی دهه ساله که فیته بهر جزایی دادپهروهه پیخه مهت تیرکرنا گیانی تولفه کرنی ل دهف وی یان ژی پیخه مهت شه هوهتا دفن بلندیی ئەفا بتنی بو دەمی دهقیقه کی فه دکیشیت.

فِیجا دئی مه ته لا وی وه کی یا وی زارۆکی بئی ئاقل لی ئیت ئه وی
 بهایی وی جزیا قورئانا پیروژ نه زانیت ئه فا ئه و د خوینیت و
 فیردبیتئ فِیجا ب پارچه کا شریناهیئ یا ئه رزان د فروشیت، کو
 خیرین خو ئه فین گرانتر و بهاتر ژ ئه لاسی ب تشته کی وه کی
 پارچه کا شیشه ی بئی بها د گوهورپیت، ئه ون چه ز و دلخوازی و دفن
 بلندیا وی. د ئه نجامدا ل شوینا فایده کی مه زن بکه ت دئی
 خوساره تیه کا مه زن ده ت.
 خودی وۆ تو مه ژ خرابیا نه فسی و شهیتانی و ژ خرابیا ئه جنه و
 مروفا ب پاریزی.

ناما بیست و دووی ژ ((نامه یان))

ناما برایهتی^{۱۷}

ئهف نامه پیکهاتیه ژ دوو پشکا، پشکا ئیکێ بهری خودان باومرا د دهته برایهتی و ههژیکرنی⁽¹⁷⁾.

⁽¹⁷⁾ بهلی پشکا دووی وهرگیرانا وی هاتیه به لاقرن د چارچوقی په یاما ((شوکر و سوپاسداری به رهه می ژیانئ و مه ره ما بۆنه وهرانه)) ((الشکر ثمرة الحياة وغایة الكائنات))، ل ژیر ناف و نیشانین ((بی رژد نه حازر و خوسارهته)) ((الحریص غائب خاسر))، (وهگیر ئیحسان فاسم صالحی).

پشکا ئیکی

بسم الله الرحمن الرحيم

{إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ...} ﴿الحجرات: 10﴾،

ئانكو: (هندي خودان باومرن براييت ئيكن، فيجا نافبهرا براييت خو خوش بكن و بيك بينن).

{...اذْفَعْ بِالَّتِي هِيَ أَحْسَنُ فَإِذَا الَّذِي بَيْنَكَ وَبَيْنَهُ عَدَاوَةٌ كَأَنَّهُ وَلِيٌّ

حَمِيمٌ} ﴿فصلت: 34﴾، ئانكو: (يا چيتر، خرابي يي پي نه هيله،

نه گهر ته نه فه كر، هنگي دي بيني نه وي دژمنايي د نافبهرا ته و ويدا هه ي، دي وهكي هه فاله كي نيزيك و خوشتفي لي نيت).

{...وَالْكَاطِمِينَ الْغَيْظِ وَالْعَافِينَ عَنِ النَّاسِ وَاللَّهُ يُحِبُّ الْمُحْسِنِينَ} ﴿آل

عمران: 134﴾، ئانكو: (و كه ربا خو دادعوپرن و فه دشپرن [ژ

كه رباندا سته مي ل كه سي ناكهن] و د راستا خودا خهلكي نازا دكهن، و خودي زي هه ژ هه نجيكاران دكهن).

ئهو دوو روياي و زي كفه بوونا تاگري و توندي و معهندي (عنناد) و

هه سویدی دناف باومرداراندا پهيدا دكهن، و ئهو نه فيان و كه رب و

كين و دوژمناتيا د دي واندا پهيدا دكهن، يا ره تكريه ژ بنی،

راستی و حيكمهت في چه ندي رهن دكهن، و ئيسلام زي كو گيانی

مرؤفايه تي يه رهن دكهن، زيده باري في چه ندي دوژمناتي

سته مكاريه كا كريته ژيانا مرؤفا: يا كه سايه تي و جفاكي و

مه‌عنه‌وی پویج دکه‌ت، به‌لکی ژهره‌کا کوژه‌که بو گشت ژيانا
مرؤفایه‌تی.

ئهم دی ((شەش رویا)) ژ رویین زور یین فی راستیی دیار که‌ین.

روی ئیک:

دوژمناتیا مرؤفی بو برایی خو یی مرؤف د دیتنا راستیییدا
سته‌مکاریه.

یا ئه‌وی سینگی وی تژی بووی ژ که‌رب و کین و دوژمناتی بو
برایی خو یی باوهردار، و یا ئه‌وی بی مروه‌ت! حسیب بکه تو یی د
گه‌می‌ه‌کی‌دا یان یی د خانیه‌کی‌شه- نه‌ه مرؤفین بی گون‌هه یین
تیدا و ئیک تاوانبار بتنی دگه‌ل وه‌دایه. و ته دیت ئیک یی پیکۆلی
دکه‌ت گه‌میی بجه‌ندقی‌نیت یان یی خانی ب سه‌ر وه‌دا د
هه‌رفینیت، بی گومان د فی حاله‌تیدا- تو دی ب بلندترین ده‌نگ
کریه‌ قی‌ری و هه‌وار و دی خو ل سه‌ر وی سته‌مکاریا کریت یا
دئیه‌کرن نه‌ رازی که‌ی، چونکی چو یاسا نینن خه‌ندقان‌دنا
گه‌می‌ه‌کا مرؤفین سته‌مکار تیدا دروست بکه‌ن ماده‌م مرؤفه‌کی بی
گون‌هه بتنی ژی دگه‌لدایه.

کا چه‌وا ئه‌فه سته‌مکاریه‌کا کریت و غه‌دره‌کا شه‌رمزاره، هه‌روه‌سا
دوژمناتی و نه‌قیانا ته بو باوهرداری- ئه‌ف باوهرداری دئیه‌ته
هه‌ژمارتن وه‌ک ئافاهی و گه‌می‌ه‌کا خودایی- ژبه‌رکو سالۆخه‌ته‌کی
تاوانباریی ل ده‌ف هه‌یه، تو پی نه‌خوش دبی یان زیانی ژی دبینی،

«لا يَحِلُّ لِرَجُلٍ أَنْ يَهْجُرَ أَخَاهُ فَوْقَ ثَلَاثِ لَيَالٍ: يَلْتَقِيَانِ، فَيُعْرِضُ هَذَا وَيُعْرِضُ هَذَا، وَخَيْرُهُمَا الَّذِي يَبْدَأُ بِالسَّلَامِ»⁽¹⁸⁾، ئانكو: (نهدورسته بؤ چو زهلامان سى شهفان زیدهتر ژ برایى خو سل ببیت، بگههنه ئيك، نهفه بهرى خو وهرگيریت و نهفه بهرى خو وهرگيریت، و یى باشر ژ وان یى بهراهیكى سلاق دکهت).

بهلى ههكه نهگهرين دوژمناتی و كه رب و كینی سهركهفتن و دل داگیر كر، هینگى دى چهژيكرن بيته چهژيكرنهكا وینهی و دى جلكى دهفخوشى و خوحوليكرنى كهته بهرخو.

ئهى مروقى ستهمكار بزانه: ستهمهكا گهلهك مهزنه باوهردار دوژمناتی و كه رب و كینی بؤ برایى خو هه لگريت! كا چهوا نهگهر تو هندهك بهركين بى بها مهزن بكهى و بيژى ژ كه عبا پيرۆز بهاترن و ژ چيايى ئو خودى مهزنترن، بى گومان وى دهمى تو یى كارهكى كريت و بى ئاقلیى دكهى، ههروهسا دهمى تو وان كيماسيين ژ برایى ته یى موسلمان دهركهفتين مهزن بكهى و تو كهفتنين وى يين بى بها وهكى وان بهركا مهزن دكهى نهوژى بى ئاقلیه، ههروهسا دهمى ته نهو تشتين بى بها ب سهر بلنداهايا باوهریى ئیخستن نهفا هندی كهعبى بلند، و ته ب سهر مهزناتيا ئيسلامى ئیخستن نهفا وهكى چيايى ئو خودى مهزن، فئيجا دهمى تو وان تشتين ساده و بچويك يين ژ برایى ته پهيدا دبن ب سهر

⁽¹⁸⁾ رواه البخاري، كتاب الأدب.

سالۆخه تین وی یین باش دئیخی ئەفه ستمه و ستمه مه کا بهرچافه! هەر ئیکێ پچه کا ئاقلی هه بیت فی چهندی دزانیت! به ئی! باوه ری ب ئیک عه قیده، بی گومان ئیکگرتنا دلین باوه ردارا ل سهر دله کی د خوازیت، و ئەف ئیکبوونا عه قیدی، ئیکبوونا جفاکی دخوازیت. تو هه ست ب جو ره کی هه فبه ندیی دکه ی دگه ل وی یی دگه ل ته د خهنده که کیدا کار دکه ت، و تو هه ست ب په یوه ندیا هه فالینی دگه ل دکه ی ئەگه ر تو دگه ل وی ل ژیر فه رمانا سه رکرده کیدا کار بکه ن، به لکی تو هه ست ب په یوه ندیا براینیی دگه ل وی دکه ی یی تو و ئەو ل باژیره کی پیکه دژین، ئەری پا تو بو باوه ری چ دبیزی ئەفا هند رۆناهیی و هه ستی د ده ته ته کو تو په یوه ندیی ئیکبوونی یین زۆر، و هه فبه ندیی ریکه فتنی یین گه له ک، و په یوه ندیی برابیه تی یین زۆر هندی هژمارا باشناقین خودی پی بیینی. فیجا بو نموومه به ری ته د دهنه فی چهندی:

ئافرانده ری وه ئیکه، خودانی وه ئیکه، خودایی وه ئیکه، رزقده ری وه ئیکه ... و هوسا ئیکه ئیکه هه تا دگه هیه هزاری. پاشی، پیغه مبه ری وه ئیکه، ئایینی وه ئیکه، رۆگه ها وه ئیکه، و هوسا ئیکه ئیکه هه تا دگه هیه سه دی. پاشی، هوین ل گونده کی دژین، ل ژیر سیبه را دهوله ته کی، ل وه لاته کی .. و هوسا ئیک ئیک هه تا دگه هیه ده ی.

فَیْجَا نَهْگەر حهتا قى پلى ههقبهندی ههبن یین ئیکبوون و ئیکگرتن و پیککرن و ریککهفتن و چهژیکرن و براهیتهی دخوازن، و هند هیزا مهعهوی ههبیت کو پارچین گهردوونی پیکفه گریدهن، ئهری ئهوی پشتا خو د دهته قى چهندی ههمی و هندهك نهگهرین لاواز -لاوازتر ژ تهفنی تهفنیکی- ئهفین پیکنهکرن و دویرکهفتن و دوورویاتی و کهرب و کین و دوژمناتی پهیدا دکهن ب سهر وان دئخیت. فایجا سینگی وی تژی دوژمناتی و کهرب و کینهکا ژ راست دکهن دگهل برایی وی یی باوهردار، ئهری ما ئهفه نه مرؤفهکی زیده ستهمکاره! ئهری ما ئهفه نه شکاندن و بی ریزی بهرانبهه وان ههقبهندی ئیکبوونی پهیدا دکهن؟ و مانه ترانهکرنه ب وان نهگهرین چهژیکرنی دخوازن؟ و نه خوتیکرنه ل وان پهیهوهندی براهیتهی د سهپین؟ فایجا نهگهر دلی ته نهی مری بیت و روناها ئاقلی ته هیشتا نه فهمری بیت تو قى چهندی باش زانی.

روی سی:

ئهف ئایهتا پیروژ: {...وَلَا تَزِرُ وَازِرَةٌ وِزْرَ أُخْرَى...} ﴿الأنعام: 164﴾، ئانکو: (و کس گونهها کس هئناگریته)، رمانا دادپهروههیا رهها د دهته، ئانکو چینابیت مرؤفهک ب گونهها غهیری خو بیته سزادان. دی بینی قورئانا پیروژ و زیدههین دی

یین شریعتی و ئادابین خودانین راستیی و حکمه تا ئیسلامی
 ههمی بهری ته د دهنه ئەفا خواری:

هه لگرتنا دوژمناتی و کهرب و نه فیانی بو باومرداری سته مه کا
 مه زنه، چونکی ئیدانهیه بو ههمی سالۆخه تین باش یین ل دهف
 ههین ژ بهر گونه ها سالۆخه ته کی خراب ل دهف. نه خاسمه
 بهر فره هبوونا نه فیانی هتا دوژمناتی کس و کار و مرؤفین وی
 زی شه دگریت ژ بهر سالۆخه ته کی تو ژی نه رازی ل دهف وی، ئەف
 چه نده سته مه کا مه زنه، ههروهکی قورئانا پیروز ب شیوازی
 زیدهیی تیدا کرنی سالۆخه تی: {... إِنَّ الْإِنْسَانَ لَظَلُومٌ كَفَّارٌ}
 ﴿إبراهیم: 34﴾، ئانکو: (ب راستی مرؤف زیده سته مکار و زیده
 چافنقه) ئه ری پشتی فی چه ندی تو بخو به هانه یان دئینی و
 دبیژی ئەز هه قم؟

بزانه! ئەو خرابیین دبنه ئەگه ر بو دوژمناتی و نه فیانی -د
 دیتنا راستییدا- وهکی خرابیی و ئاخى بخو د تیرن، و تشتی تیر زی
 نائیته بجهئینان و ل دهف یین دی رهنگفه نادته هند تی نه بیت
 هندی مرؤف فییری خرابیی دبیت ژ یین دی- بهلی باشی و قهنجی و
 یین وهکی وان ژ ئەگه ر یین فیانی وهکی روئاهیی و فیانی بخو د
 جوانن. و ژ سرؤشتی روئاهیی ئەوه رهنگفه ددهت و دگه هیته یین
 دی. ژ بهر فی چه ندی مه ته ل هاتیه گو تن: ((هه فالئ هه فالئ

ههفاله)) و دى بينى خهلك دبیژن: ((بیخه مهت چافه کی ریز ل
هزار چافا دئیته گرتن)).

هه ی ئهوی نه دادپه روهه! ئه گهر ته راستی دقیت، ئه فهیه راستی،
لهوا ده می تو دوژمناتیا مروفقین ئیکی دکه ی ژ بهر سالوخه ته کی
تو ژى نه رازی ل دهف، و ته نه فیانا مروفقین وی ل دهف وی
خوشتقی هه لگرت، بزانه ئه ف چه نده ب ته مامی به روفای
راستییه!

روی چاری:

دوژمناتیا ته بو باومرداری ژلایى ژيانا كه ساپه تیقه سته مه كا
ئاشکرایه. ئه گهر گو هی خو بدیه هندهك ده ستورا كو بنیاتن بو
فی روی چاری.

ده ستوری ئیکی:

ده می تو دزانی تو یی هه فی د رهفتار و هرزین خودا دروسته بو
ته تو بیژی: ((ریکا من هه فه یان چیتره)) به لی چینابیت بو ته تو
بیژی: ((هه فی ریکا من بتنی یه)). چونکی دیتنا ته یا
نه رازی بوونی و هرزا ته یا وه ستیایی (کلیل) نابنه برپاردهر و
دادوهر و بیژن ریکین دی هه می د پویچن، ژ که فن وهره هوزانقانی
گو تیه:

وعین الرضا عن کل عیب کلیلة ولكن عین السخط تبدي المساویا

ئانكو: (دیتنا رازیبوونى بۇ ھەر كېماسیەكى وى نابینیت (كلیله)، بهلى دیتنا نەرازیبوونى خرابیا دیار دكەت).

دەستۆرى دووی:

((پېدفيه ل سەر تە تو ھەقىي بېژى د ھەمى وى تشتیدا تو د بېژیدا، بهلى پېدفي نینه ل سەر تە تو ھەمى راستیا بېژى. و پېدفيه ل سەر تە تو راستیي بېژى د ھەمى ئاخفتنا خۇدا، بهلى نەیا دروستە تو ھەر راستیەكى بېژى)).

چونكى ئەگەر ئىكى - ۋەكى تە- ئنیەتەكا خوسەر نەبیت چیدبیت ئاخفتنا وى یى بەرانبەر ب ئازرینیت فیجا ئەنجام بەروفاژى وى تشتى بیت یى مروقى دقیا.

دەستۆرى سیی:

ئەگەر تە بقییت تو دوژمناتیا ئىكى بکەى دوژمناتیا وى دوژمناتیا د دلى خۇدا بکە، و کار بکە بۇ فەمراندنا ئاگرى وى و ھەلكیاشانا رھین وى. و پیکولی بکە تو دوژمناتیا دوژمنترین دوژمنى خۇ و ئەوئ ژ ھەمیا پتر زیانا تە تیدا بکەى، ئەوژى نەفسا تەیه یا د سینگی تەدا. فیجا بەرھنگاریا ھەز و دلخووزیا وى بکە، و کار بکە بۇ چاکسازیا وى، و پېخەمەت وى دوژمناتیا موسلمانان نەکە. ھەرۋەسا ئەگەر تە بقییت دوژمناتیي بکەى دوژمناتیا گاور و زەندیقا بکە، ئەو گەلەکن.

و بزانه سالۆخهتی قیانی بخۆ یی خوشتقیه و هیژای قیانی یه، کا چهوا سالۆخهتی دوژمناتیی بخۆ بهری ههر تشتهکی هیژای دوژمناتیی یه.

و ئەگەر ته قیا تو بشییه دوژمنی خو قهنجیی دگهل بکه، ب قی چهندی دی ئاگرئ دوژمناتیی قهنجیی بهلی ئەگەر تهژی بهرانبهر خرابیا وی خرابی کر هینگی دی دوژمناتی زیدهبیت. ههتا خو ئەگەر ژ سهرقه- دیاربوو تو شیاپی دی دلی وی تژی کهرب و نهقیان بیت دژی ته، قیجا دی دوژمناتی و نهقیان بهردهوام بیت. بهلی ئەگەر تو قهنجیی دگهل بکهی دی بهری وی دهیه پهشیمانیی، و چیدبیت ببیته ههفالهکی نیزیك بو ته، چونکی دقیت مروقی باوهردار یی چاک و مهرد بیت، قیجا ئەگەر ته چاک و مهردینی دگهل کر ئەفه ته ئهوب دهستخوفه ئینا و کره برایی خو، خو ئەگەر ژ سهرقه- یی بی قهلس زی بیت بهلی ئەو ژلایی باوهرییقه یی مهرده، هوزانقان دبیریت:

اذا انت اکرمت الکریم ملکتھ

وان انت اکرمت اللئیم تمردا

ئانکو: (ئەگەر تو ریزی ل مروقی مهرد بگری دی رهزامه ندیا وی ب دهستخوفه ئینی، بهلی ئەگەر تو ریزی ل مروقی قهلس بگری دی ژ ری دهرکه قیت).

بهائی، ژ یوار شادهییی ددهت: دهمی تو دبئیژیه مرؤقی خراب: ((تو یی چاکی، تو یی ب قهدر و بهایی...)). چیدبیت ئەف چهنده وی پالدهته چاکیی، ههروهسا دهمی تو دبئیژی مرؤقی چاک: ((تو یی خرابی، تو یی پویچی...)). چیدبیت ئەف چهنده بهری وی ب دته خرابیی، لهوا ب گوھی دلی گوھی خو بدە گوتنا خودایی مهزن: {...وَإِذَا مَرُّوا بِاللَّغْوِ مَرُّوا كِرَامًا} ﴿الفرقان: 72﴾، ئانکو: (و ئەوئیت گافا د بهر تشتی بی فایدەرا [ج گوتن ج کریار] دبۆرن، پویی خو ژئی و مردگپن، بی خو شکاندن) {...وَإِنْ تَعَفُّوا وَتَصْفَحُوا وَتَغْفِرُوا فَإِنَّ اللَّهَ غَفُورٌ رَحِيمٌ} ﴿التغابن: 14﴾، ئانکو: (و ئەگەر هوین ل وان نهگرن و ل وان ببۆرن و لۆمهی وان نهگرن [و کیماسییت وان ئاشکەرا نهگرن و نهدهنه پویی وان]، ب راستی خودی گونەه ژیبەر و دلۆفانه). و یین وهکی وان ژ دهستۆرین قورئانی یین پیرۆز، چونکی سههرکهفتن و بهختهوهری و ئیمناهی یین تیدا.

دهستۆری چاری:

ئەوین دلین وان تژی کەرب و نهفیان و دوژمناتی بهرانبهەر براییین خو یین باوهردار ئەو بهری ههمیا ستهمی ل نهفسا خو دکەن، زیدەباری کو ستهمی ل براییین خو دکەن، ههروهسا زیدەباری کو ئەو تخویبیین دلۆفانیا خودایی د بهرزینن، چونکی:

هەر دەمی مرقۆفی ھەسۆید دبینیت قەنجیەك گەھشتە وی یی
 ھەسۆیدی پی دبەت دی ئیزایەکی مەزن د نەفسا ویدا پەیدا
 بیت، و ئەو دوژمناتیا ژ ھەسۆیدی پەیدا دبیت ئیزایەکی مەزن
 ژ پەیدا دبیت، چونکی ھەسۆیدی ئیش و ژانەکا مەزنتر ژ وی
 مرقۆفی ھەسۆیدی پی دئیتەبرن دگەھینیتە وی مرقۆفی ھەسۆید
 و ھەسۆیدی خودانی خو ب گوریا خو دسوژیت، بەلی ئەوی
 ھەسۆیدی پی ھاتیەبرن چو ژ وی ھەسۆیدی ناگەھیتی و چو
 زیانین کیم ژ ناگەھنی.

چارەسەریا ھەسۆیدی ئەقەییە: مرقۆفی ھەسۆید بزانییت دویماییا
 وی تشتی ھەسۆیدی پی دبەت چییە، و ھزرا خو تیدا بکەت، دا
 بزانییت ئەو بەرزەوہندیین دنیاپی ژ سامان و ھیز و پوستانا-
 گەھشتیە وی یی ھەسۆیدی پی دبەت ئەو ھندەك بەرزەوہندیین
 بەرودختن دی چن و نامینن، مفاپی وان کیمە، و زەحمەتا وان
 گەلەکە.

بەلی ئەگەر ئەگەری ھەسۆیدی ھاندەرین ئاخەرەتی بن،
 ھەسۆیدی ھەر ژ بنی تیدا نینە، و ئەگەر رھا ھەسۆیدی خو د
 فان بابەتان ژیدا لقلقی، مرقۆفی ھوسەید یان مرقۆفەکە رویمەتی
 دقیت، خیر و چاکیین خو یین ئاخەرەتی د دنیاپییدا پویچ دکەت.
 یان ژ ھزرەکا خراب ژ وی دکەت یی ھەسۆیدی پی دبەت فیجا
 ستەمی لی دکەت.

ههروهسا مروۆقی حهسوید خوۆل سهر قهدهرا خودی نهرازی دکهت د حهسویدیا خوۆدا، چونکی ئهو ب خهم دکهفیت ژبههر وی قهنجی و دلۆفانیا خودی دگهل وی کری یی حهسویدی پی دبتهت، و ب هاتنا نهخوشیا بوۆ وی کهیفخوش و رحهت دبیت، ئانکو ههروهکی ئهو رهخنی ل قهدهرا خودی دگریت، و نهرازیبوونا خوۆل سهر دلۆفانیا وی یا بهرفرهه دیار دکهت. و یا دیاره کو: ههر ئیکی رهخنی ل قهدهری بگریت قهدهر دی وی ئیخیت، و ههر ئیکی نهرازیبوونا خوۆل سهر دلۆفانیا خودایی دیار بکهت دی ژئی ئیته بی بارگرن.

ئهری تو بیژی دادپهروهریهک ههبيت رازی ببیت کو سینگی باوهرداری بوۆ دهمی سالهکی تژی کهرب و نهقیان ببیت بهرانبهر برایی وی ژبههر تشتهکی لاوهکی یی بی بها کو هیژای دوژمناتیا روۆژکا بتنی نینه؟ بوۆ زانین چیئابیت ئهو خرابیا ژ برایی ته یی باوهردار گههشتیه ته تو وی بتنی بکهیه ئهگهر و ئیدانا وی بکهی چونکی:

ئیک: قهدهرا خودایی بارا خوۆیا د بابتهیدا ههی، فیجا دفتیت تو ب فی بارا قهدهری رازی بی و تهسلیم بی.

دوو: ههروهسا شهیتانی و نهفسا فهرمانکهرب خرابیی ژی بارا خوۆیا ههی. فیجا ئهگهر ته ئهف ههردوو باره ئینانهدر چول بهر ته نامینیت ژبلی کوۆل شوینا دوژمناتیا وی دلی ته ب برایی تهفه

بمینیت. چونکی دئی بینی نهفس و شهیتانین وی شیاینه وی. د
ئهنجامدا دئی چاقهړی وی بی نهو ل سهر کریارا خو پشهیمان
ببیت و دئی ب هیقی بی ل خو بزفریت.

سی: دقیت تو تیبینیا خه مساریین خو د فی بابته تیدا بکهی، چ
ئهوین تو نه بینی یان ته نه قیت ببینی، فیجا فی باری ژی دگهل
ههردوو خالین دی فهدر بکه، ئهوا دمینیت بارهکا کیم و لاوهکیه،
فیجا ئهگهر ته ب هیممه تهکا بلند و میرانیهکا بلند ئانکو ب
لیبۆرین و لینه گرتنی پیشوازی لی کر، دئی ژ کرنا ستهمی و
ئیشاندا ههه کهسهکی رزگار بی. به لی ئهگهر ته ب رژییهکا مهزن
ل سهر تشتین دنیا یی یین بی بها ههه وهکی دئی ههروههه مینیه
تیدا. و ب کهربهکا بهردهوام و دوژمناتیهکا بی فهبیرین سهردههه
دگهل خرابیا وی کر، بی گومان هینگی دئی سالوخهتی ستهمکار و
نهزان ل سهر ئیته بجهئینان و تو دئی وهکی وی جوهیی بی ئاقل لی
ئیی نهوی پارهکی مهزن ل هندهک پارچین شیشهی و پرتین
بهفری یین بی بها مهزاختین کو چو نامینن و دئی ژناقچن، کا ژ
وی فه ئهلماسه.

و هوسا مه ب رهنگهکی ساده بو ته دیارکر کا دوژمناتی چهند
زیانین مهزن دگههینیه ژیا نا مروقی. فیجا ئهگهر ب دروستی ته
نهفسا خو دقیت دهلیقهی نهدی بچپته د دلی تهدا، و ئهگهر
چوبیته تیدا و خو جهببیت گوهی خو نهدی، بهلکی گوهی خو بده

سهعدی شیرازی⁽¹⁹⁾ خودانی هزرا تیژ بو دیتنا راستیی. ئەو دبیژیت:

((دنیا هەمی متایهکی وەسا نینه هیژای مەملانی بیت ل سەر، چونکی یا بی بهایه، خوشیپن وی بهروهختن و فانی نه دی چن و نامین)).

مادەم دنیا و هندی تیدا هوسا بی بها بیت، ئەری پا تو چ دبیژی بو پشکهکا بچویک ژ دنیا یی، و گوھی خو بدی دبیژیت:

((دوو پهیف ب دەستفەئینانا رحەتی و سلامەتی ل هەردوو جیھانا دیار دکەن:

تیکەلیا هەفالا ب مروەت و دادپەروروی. و سەرەدەری کرن دکەل دوژمنا ب لیبۆرین و دلپاکی)).

ئەگەر ته گۆت: ((مەسەله د دەستی مندا نینه، دوژمناتی د کیانی مندا یا چاندیه، و یا کویره د فیتزەتا مندا، و من چو پی چینابیت، زیدەباری کو وان هەستین من یین بریندار کرین و ئەز یی ئیشانیدی، فیجا ئەز نەشیم ل وان ببۆرم)).

بەرسف ئەفەیه: ئەگەر رهوشتی خراب کارتیکرن نەبیت، و کا پی نەئیتەکرن، و خودانی وی ب کیماسیا خو ئاگەهدار بیت و

⁽¹⁹⁾ ز نویکەرین چەرخێ حەفتی مشەختیه. نافدار بوو ب هوزانا خو یا پەروردهیی یا نازک د (کڵستان) و (بوستان)یدا، ل قوتابخانا (نظامی) ل بەغدا خواندیه، قوتابی شیخ گەیلانی بوو. (وهگێر ئیحسان قاسم صالحی).

بزانیت، هینگی چو نینه، و زیان ژئی چینابیت. مادهم مهسهله د دهستی تهدا نینه و ته چو پی چینابیت، و تو نهشیی ژ دوژمناتیی قورتال بی، تو ههست بکهی کو تو یی خه مساری د فی سالوخه تیدا و تو بزانی کو تو یی نههقی، ب حه زکرنا خودی- ئهفه دی ته ژ خرابیی وئ دوژمناتیا د نهفسا تهدا رزگارکهن، چونکی ئهفه چهنده دی ئیته حسیبکرن وهک په شیمانیهکا مهعنهوی، و توبهکا بهرزه، و داخوازا گونه ژیرنییه. و مه ئهفه بابهته نه نهفیسایه ئهگهر ژبهه وی چهندی نهبیت دا فی داخوازا گونه ژیرنا مهعنهوی دابین بکهت، فیجا ههقی و پویچاتی ل دهف موسلمانی تیکهلی ئیک نهبن، و بهرانبهری خو یی ههق نهکتهه ستهمکار.

رویدانهکا هیژای سهر راوهستیانی د سهر منرا بۆریه:

رۆژهکی من زهلامهک دیت سیمایی زانستی ل سهر بوو بهحسی زانایهکی ب خرابی دکر، ههتا گههشتیه وی پلی ئه و کافر کری، ژبهه نهلیکیهکی ل دۆر کاروبارین سیاسی دناقبهرا واندا، بهلی د ههمان دهمدا- من دیت یی پهسنا مروقهکی دوو روی دکهت چونکی دگهل بوچونا وی یا سیاسیه!. فی رویدانی ترسهکا مهزن ل دهف من پهیدا کر، و من خو ب خودی پاراست ژ وی تشتی سیاسهت گههشتی و من گوته: ((ئهز خو ب خودی پاریزم ژ شهیتانی و سیاسهتی)). و ژ هینگی وهره من خو ژ مهیدانا ژيانا سیاسی فهکیشای.

روى پېنجى:

ئەف رويه وى زيانا مهزن ديار دكەت يا دگەهيتە ژيانا جفاكىي ژ
ئەنجامى معەندى و ژيكدويركەفتن و ژيكدەبوونى پەيدا دبن.
ئەگەر هاتە گۆتن:

د فەرموودا پېرۇزدا هاتىه: ((جوداييا ئوممەتا من دلۇفانىه)), و
جودايى ژيكدەبوون و حزباتى و رۇدىي ل سەر بوچۇنى دخوازيت.
بەلى دەردى ژيكدەبوون و جودابوونى جۇرەكى دلۇفانىي تىدا
هەيە بۇ خەلكى لاواز، كو وان ژ تەپەسەريا مروفىن ستەمكار -
ئەفەين ئەگەر ل گوندەكى يان باژىركەكى رىككەفتن دى وان
مروفىن لاواز تەپەسەركن- د پارىزيت بەلى ئەگەر ئەو ژيكدەبن
هينگى دى مروفى ستەملىكرى دەليشەكى ل جەهەكى بخۇ بينيت،
فېجا دى خۇ قورتال كەت.

هەرودەسا راستى ژ ئەنجامى ليكدانا ھزرا و گىنگەشا بوچۇنا و
جوداييا ئاقلا ديار دبىت.

بەرسف: بۇ بەرسفدانا پسيارا ئىكى دى بىژين:

ئەو جوداييا د فەرموودىدا هاتى جوداييا نەرىنى يا ئافاكەر و
سەلاندىه. و رامانا وى ئەفەيە: ھەر ئىك كار بكەت بۇ بەلافكرنا
پەيرەوى خۇ و دياركرنا راستيا بوچۇنا خۇ و دروستيا ديتنا خۇ،
بىي پىكولى بكەت رىك و پەيرەوين يىن دى ب ھەرفينيت يان
تانى ل ل بوچۇنن وان بدمت و رىك و پەيرەوى وان پويج بكەت،

بهلكى كاركرنا وى بۆ تهمامكرنا كىماسىي و گه هاندنا ههقى و چاكسازىي يه هندى شيان ههبن. بهلى جوداييا نهرىنى ئهوه ههر ئىك پىكولى بكهت رىك و پهيرهوى يى دى خراب بكهت و ب ههرفينيت، و هاندهرى وى كه رب و نهفيان و دوژمناتيه، و ئهف رهنگى جوداييى د بنياتدا يى رهتكريه د ديتنا فهرموودىدا، چونكى ئهوه مرؤفئىن پىكه نكن و ژىكجودا نه شىن چو كارىن ئهرىنى و ئافاكر ئه نجام بدن.

و بهرسفا مه بۆ پسارا دووى ئهفهيه:

ئهگهر جودايى و حزباتى بۆ ههقىي و ب ناهى وى بيت، چىدبىت ببىته پهنا بۆ خودانىن ههقىي، بهلى جوداييا ئهم دبىنين بۆ مه رهمىن كه سايه تى و دلخوازيا نهفسا فهرمانه كهره ب خرابيى. ئهوه جهى خودانىن ئنيه تىن خرابه بهلكى جه و شهنگسته يى سته مكارايه، ستهم د سه رده رىين واندا يا ئاشكرايه، ئهگهر شهيتانهك بىته دهف ئىكى ژ وان هاريكاريا وى بكهت و ب بوچونا وى رازى بيت دى بينى دى پهسنا وى كهت و دلوفانىي پى بهت، بهلكى ئهگهر مرؤفهكى وهكى پاشايهكى ل رىزا بهرانبهر بيت دى بينى دى لهعنه تا لى كهت و خه بهرا بىژىتى.

سه بارهت پسارا سىي دى بىژىن:

پيشكىشكرنا بوچون و هزرا پىخه مهت ههقىي و د رىكا گه هشتنا راستييدا هينگى يه ده مى جودايى د رىك و ئالافاندا بيت و

رېكەفتن ل سەر شەنگستە و ئارمانجا ھەبىت، چىدبىت ئەف رەنگى
 جودايىي خزمەتەكا باش پېشكىشى فەدىتەنا راستىي و دياركرنا
 ھەمى كوژيپىن وى ب باشترين رەنگى دياركرنى بكتە. بەلى ئەگەر
 گېنگەشە و لى گەريانا راستىي بۆ مەرەمپىن كەسايەتى و
 تەپەسەركرن و خو مەزكرن و تىركرنا ھەزىن نەفسىن
 فىرەونى و ب دەستفەئىنانا ناف و دەنگا و فىانا دياربوونى بيت،
 ھىنگى ((برىسيا راستىي)) د فى جوړى پېشكىشكرنا ھزرا دا نا
 تەيسىت، بەلى دى ((چرىسكا فىتەنا)) پەيدا بيت. فىجا تو
 رېككەفتنى ل سەر مەرەم و ئارمانجا دناف يپن وەكى فاندانا بىنى،
 بەلكى كەسەك ل سەر ئەردى نىنە بشىت دگەل وان رېككەفىت،
 چونكى نەبوو ھەقىيە، لەورا دى زىدەيا زىدە يا بى تخويب دناف
 واندا بىنى كو ببىتە ئەگەر بۆ ھندەك ژىكفەبوونىپن
 نەگەھنەئىك. و ژىوارى جىھانى شاھدە ل سەر فى چەندى..

نىفشكى گۆتنى ئەفەيە:

ئەگەر سەرەدەرى و لىنىپن باومردارى ل دويف وان دەستورا نەبن
 يپن فى فەرموودا پىرۆز دانايىن: ((والحب في الله و البغض في الله من
 الايمان))، ئانكو: ((و فىان بۆ خودى و نەفىان بۆ خودى ژ
 باومرىپىيە). و پەنايى بۆ ھوكمى خودى نەبت دەھمى
 كاروباراندا، ھىنگى دى دووروياتى و پىكنەكرن زال بن.. بەلى،

ئەوئ ل دوئیف وان دەستۆرا نەچیت دئ ل وی دەمئ مەرەما وی دادپەرورەری دئ ستەمکاریئ کەت.

رویدانەکا ب عیبرەت:

د خەزایەکا ئیسلامیدا، ئیمامئ عەلی (خودئ ژئ رازی بیت) شەر دگەل سویارەکی موشرکا دکر ئیمامئ عەلی شایئ و ئەو ل ئەردی دا. دەمئ ئیمامئ عەلی فیا ی وی بکوژیت ئەوی تفکرە رویئ ئیمام عەلی. ل وی دەمئ ئیمامئ عەلی ئەو بەردا و ئازادکر، ئینا ئەو مروؤفی موشرک ما حیبهتی ژ فی کاری. ئینا گوئ:

دئ کیقە چی؟

ئیمام عەلی گوئ: من د ریکا خودیدا شەرئ تە دکر، مادەم تە وەکر یا تە کری ئەز ترسام ئەگەر ئەز تە بکوژم ئەقە تولقەکرن بیت بو نەفسا من لەورا من تو بەردای و ئازادکری.

یئ گاوری بەرسقا وی دا: دفیا وی کاری من تو پتر ئازراندا، مادەم هوین ل دوئیف ئایینەکی هوسا دچن کو ئایینەکی زیدە لیبۆرین تیدا هەیه، بی گومان ئەو ئایینەکی هەقە.

رویدانەکا دی:

دەستەلاتدارەکی موسلمان دادوهرئ خو ژ سەر کاری لادا، چونکی دیت یئ توند و تورەیه دەمئ برینا دەستئ دزیکەری. چینابیت بو وی یئ فەرمانا خودئ بجهبیینیت بارا نەفسا خو ل سەر وی یئ

حوکم ل سهر دئیته بجهئینان هه لگريت، بهلی پیدفیه دلی وی بمینیته ب حالی و یقه بیی خه مساریی د جهئینانا حوکمی خودیدا بکته. مادهم تشتهک ژ بارا نهفسی دگهل بابته تیگهل بوو ئهفه ههفدژبوو دگهل دادپهروه ریا خوسهر و د ئه نجامدا دادوهر ژ سهر کاری لادا.

نه ساخیه کا جفاکی یا ب ترس و حالته کی جفاکی یی جهی داخی یی تووشی ئوممه تا ئیسلامی بووی گو جهی دلئیشانی یه:

ئیلین ژ هه میا پاشکه فتیر رامانا مه ترسیا ب سهر واندا دئیته دزانن، فیجا دی بینی نه لیکین نافخویی د دهنه لایه کی، و دوژمناتیین لاوه کی ژبیر دکهن ده می دوژمنی دهرقه یی ب سهر واندا دگريت.

مادهم ئه و ئیلین پاشکه فتی ب دروستی بهرژه وهندیا خو یا جفاکی دزانن، ئه ری پا تو ج دببیزی بو وان یین خزمه تا ئیسلامی دکهن و بانگه وازیی بو دکهن چه و ئه و دوژمناتیین خو یین لاوه کی و کیم ژبیر نه کهن و ب فی چه ندی ریکی بو سهر داگرتنا دوژمنیین نه ئینه حسیبکرن خوش دکهن؟! دوژمن هه می ره خ و دۆرین وان یین گرتین .. ئه فه سه روبه ره تیگچونه کا مه ترسیداره، و که فتنه کا ب سه همه، و خیانه ته د دهره فا ئیسلامی و موسلماناندا.

دی رویدانه کا ب عیبره ت ل دۆر فی بابته فه گپرم: خوینداری د ناقبه را دوو ئیلان ژ عه شیره تا ((حسان)) دا هه بوو، به لی هه ر

دهمی مهترسیهكا دهرقهیی ژ ئیلا ((سبكان)) یان ((حیدران)) ب سهر واندا هاتبا ئهوان ئیکدوو دگرت و هاریکاریا ئیکدوو دکر و ههمی نهلیکیین خو یین نافخویی ژبیر دکرن بو بهرسینگگرتنا دوژمنا.

قیجا ئه ی گهلی موسلمانا، هوین دزانن هژمارا عهشیرهتین دوژمن و خو بهرههفکری بو سهرداگرتنا عهشیرهتا باوهریی چهنندن؟ ئه و ژ سهدا پترن و وهکی بازنهییین نافئیکدا دورماندوری ئیسلامی و موسلمانا گرتینه. ل وی دهمی کو پیدقی بوو موسلمان ئیکبگرن بو بهرسینگگرتنا هیرشا ههر ئیکی ژ وان، ههر ئیک معهنیدی دگهل یی دی دکهت و تاگریی دکهت بو لایهکی ل دویف بهرژهوهندیین خو یین کهسایهتی ههروهکی ئه و ریکی بو فهکرنا دهرگهها بهرانبهر وان دوژمنا خوش دکهت دا بیینه دنافا حهره ما ئیسلامی یا ئیمندا ... ئه ری ما ئوممهتا ئیسلامی هیژای فی چهندی یه؟

و ئه گهر ته بقییت بازنهییین دوژمنا یین دورماندوری ئیسلامی ب ههژمیری، ئه و ئه فهنه: بگره ژ خودانیین گومرایی و بی باوهریی و حهتا دگههییه جیهانا گاوریی و نهخوشیین دنیایی و ههمی سهروبهرین وی یین تیکچوی، هندهک بازنهیی د نافئیکدانه دگههنه حهفتی بازنهیان، ههمیا دقییت نهخوشیی بگههیننه ههوه، ههمیا کهرب ژ ههوه فهدبن و د رژدن ل سهر تولقهکرنی ژ ههوه، و بهرانبهر فان ههمی دوژمنین توند ههوه چو رییک نینن ژبلی

وی چه کی فه بر و خه نده کا ئە مین و که لها ئاسی، ئە وژی ئە فه یه: براهی تی ئیسلامی. فیجا هشیار به هه ی موسلمان! و بزانه تی کدان و هه ژاندا که لها ئیسلامی یا ئاسی ب هنده ک به هانه یین بی بها و ئە گهرین لاواز هه فدیژه دگهل وژدانا زیندی و هه ر جودایی و نه لیکیه ک ب ته مامی هه فدیژه دگهل به رژه وه ندیا ئیسلامی ... فیجا هشیار به! و د فه رمووده یین پیروژ دا هاتیه کو: ده جال و سوفیانی و یین وه کی وان ژ وان که سین چه ژ دوو رویان دکهن و پشته فانیانیا وان دکهن و ل دویمایا زه مانی دهر دکهن، دی وی نه لیکیا دنافه را خه لکی و موسلماناندا هه ی بخو ب ده لیقه بینن و دی مفای ژ شه ری وان ل سه ر به رگالی دنیا یی وهر گرن، فیجا دی ب هیزه کا کیم مرؤ فایه تی ژ ناف بهن، و دی تی کدان و نه لیکیی دناف واندا به لافه کهن و دی زالگه ی ل سه ر ئومه تا ئیسلامی کهن و ئیخسیر کهن.

ئه گهر وه ب دروستی ژ یانا سه رفه راز و سه بلند دفتیت، و نه که فنه ژیر زالگه ها زنجیرین ره زیلی و بی بهایی، ژ خه وا خو هشیار بن، و ب زفر نه سه ر هشین خو، و هه رنه د فی که لها ئاسی و پیروژ فه: {إِنَّمَا الْمُؤْمِنُونَ إِخْوَةٌ...} ﴿الحجرات: 10﴾، ئانکو: (هندی خودان باومرن براییت ئیکن). و خو ژ ده ستین وان سه ته مکارین دفتین نه لیکیین هه وه یین نافخویی بخو ب ده لیقه ببینن ب پارین .. یان ژ دی روژه ک ئیت هوین نه سین به ره فانیی ژ مافین خو

بکهن بهلکی خو هوین نهشین پاریزی ل سهر ژيانا خو ژی بکهن،
 هوین دزانن زارۆکهك دشیت دانیته دوو قارهمانین ب شهرچوی، و
 بهرکهکی بچویك دشیت رهخهکی ترازیی بلندکته و رهخی دی
 نزم کهت نهگهر دوو چیایین وهکههف و تهمهتی ئیک تیدا بن.
 فیجا ههی گهلی باوهرداران: ژبهه مههمین ههوه یین کهسایهتی و
 نهزهزی و حزبایه تیکرنا ههوه دی هیزا وه دگهل بای چیت، و
 هیزهکا کیم دی شیت ههوه رهزیلکته و ژنافبهت. فیجا نهگهر
 هوین ب دروستی گریدای ئایینی ئیسلامی بن ل دویف دهستوری
 پیغه مبهری یی مهزن ههرن: «الْمُؤْمِنُ لِلْمُؤْمِنِ كَالْبُنْيَانِ يَشُدُّ بَعْضُهُ
 بَعْضًا»⁽²⁰⁾، ئانکو: (خودان باوهر بو خودان باوهری وهکی ئافاهینه،
 ئیکدوو دگرن) و نهها هینگی بتنی هوین دی ژ رهزیلیا دنیایی و
 بهرزه بوونی ل ئاخهرتی ب سلامته و رزگار بن.

روی شەشی:

دلسۆزی ریکه بو رزگار بوون و قورتالبوونی ژ نیزای، دوژمناتی و
 معهندی ژيانا باوهرداری یا مهعنهوی تیکددهن و د نهجامدا
 سلامهتیا بهنداتیای وی بو خودی دئیته ئیشاندن، چونکی دلسۆزی
 بهرزه دبیت و نامینیت!. چونکی مروقی معهند نهقی تاگریی بو
 بوچۆن و کوما خو دکته نهوی دقیت ب سهر بهرانبهری خو

⁽²⁰⁾ رواه البخاري، كتاب المظالم.

بکهفیت حهتا د کارین خیریدا یین نهو دکهت. لهوا ب دروستی و تهمامی یی سهرکهفتی نابیت د کرنا په رسته کا خوسهر بو رویی خودیدا. ههروهسا یی سهرکهفتی نابیت د دادپهروه رییدا، و دیی نهوین پشته فان بو بوچونا وی د نه حکام و سهرده ریین ویدا ب سهر یین دی نیخیت ... و هوسا ژبه ر پیکنه کرن و دوژمناتیی دیی دوو شهنگسته یین گرنگ بو ئافا کرنا خیری به رزه بن ((دلسۆزی و دادپهروه ری)).

به حکرنا فی روی دیی دهمه کی دریز فه کیشیت، و نه ف جهه تیرا پتر ژ فی ناکهت، لهوا دیی فی بتنی بیژین.

دویمایهك

تاییهت ب غه ییه تیقه

خودایی مهزن گوت: {...أَيُّحِبُّ أَحَدُكُمْ أَنْ يَأْكُلَ لَحْمَ أَخِيهِ مَيْتًا...} ﴿الحجرات: 12﴾، ئانكو: (ئهرى ما ئىك ژ هه وه هه يه بقییت گوشتى برائى خو ى مری بخوت؟).

ئەف ئایهتا پیروز ب شەش پلەیا مە ژ غەیبەتێ د دەتە پاش و ب توندی مە ژێ د ترسینیت، مادەم گۆتارا ئایەتێ ئاراستەکریە بۆ غەیبەتکەرا، رامان دێ ب فی رەنگی بیت:

ئەو ئەلیفا ل دەستپێکی، بۆ پسارکەرنا پاشقەبرنی یە و حوکمی وئ وەکی چۆنا ئافی هەمی پەیفین ئایەتێ فەدگریت، هەر پەیفەك ژ وان حوکمەکی بخۆفە دگریت.

د پەیفە ئیکیدا ئایەتا پیروز ب ئەلیفی گازی دکەت:

ئهرى ما وه ئاقل نینه -ئەفی کو جهی پسیار و بەرسقی یە- دا د فی بابەتێ کریت بگەهیت؟

د پەیفە دوویدا: ((یحب)) ئایەت ب ئەلیفی گازی دکەت:

ئهرى ما دلى وه خراب بوويه -ئەفی کو جهی فیان و نەفیانی یە- حەتا وەل هاتی تشتی ژ هەمیان پتر جهی نەفیان و ژێ رەفینى بقییت.

د پەیفە سییدا: ((أحدکم)) گازی دکەت:

چ ب سهر ژيانا وه يا جفاكيدا هات -ئهفا زينديبوونا خو ژ زينديبوونا كومى وهر دگريت- و چ ل مهدهنيهت و شارستانيهتا وه هات ههتا ب وى تشتى رازى بيت يى ژيانا وه ژههراڤى بگهت و زهلالى و پاكيا وى شيلى بگهت.

د پهيفا چاريدا: ((ان ياكل لحم)) گازى دگهت:

چ ب سهرى مروفايهتيا وه هات؟ ههتا هوين ههفالى خو يى نيزيك دگهنه نارمانج و نيچيرا خو.

ئهرى دلوفانى ب مروفين ژ نشى وه ل دهف وه نينه، ئهرى ما پهيوهنديا مروفاينى وه ناگههينيته ئيك و پيگه ناگردهت، ههتا هوين وهلى هاتين ئهوى براى ههوه ژ گهلهك رهخافه دگهنه نارمانج و نيچيرا خو، و هوين ب توندى كهسايهتيا وى يا معنهوى يا ستهمليكرى ژيك ژيك دگهن، ئهرى ئهوى ئهندامهكى لهشى خو لهق بدهت ئاقل ههيه؟ ئهرى ما ئه وه نهى دينه؟.

د پهيفا شهشيدا: ((ميتا)) گازى دگهت:

كانى وژدانا وه؟ ئهرى فيترهتا وه خراببوويه ههتا هوين وهلى هاتين پيستين و خرابترين تشت -ئهوژى خوارنا گوشتى براى وهيه- دادعويرن ل وى دهى كو ئه وهى ژاى ريژگرتن و مهزنكرنى يه. ژ فى ئايهتا پيرۆز -و ژ وان بهلگههين جودا جودا د پهيفين خودا بين مه بهحسكرين- دئيته زانين كو غهيبهت كارهكى خرابه و رهتكريه ژ لايى ئاقل و دلى و مروفايهتيا و وژدانى و فيترهتى فه.

فئيجا هزرا خو د فئى ئايهتا پيرۆزدا بکه، و بهرى خو بدى چهوا
 مروقى د دته پاش ژ تاوانا غهيبهتى ب ئيعجازهکا رههوانپيژ و ب
 کورتیهکا باش د شەش پلهياندا.

ب راستی غهيبهت چهکهکئى ئاست نزمه مروقىن پيکنهکرى و
 هسويد و معند ب کاردينن، چونكى يى خودان نهفسهکا عزيز
 و سهرهراز بيت ل سهر خو قهبييل ناکهت چهکهکئى پيس يى
 وهكى فئى ب کاربينيت. و ژ کهفن وهره هوزانقانى گوته:

واکبر نفسي عن جزاء بغية

فکل اغتياپ جهد من لا له جهد

ئانکو: (نهفسا من ژ وئى چهندي مهزنتره غهيبهتى بکهم، چونكى
 غهيبهتکرن کارئى بئى کارايه).

غهيبهت نهوه تو بهحسى برايى خو بکهى نهوى پئى نهخوش بيت،
 نهگهر نهو تشتى تو بهحس دکهى ل دهف ههبيت نهفه ته
 غهيبهتا وى کر و نهگهر ل دهف نهبيت نهفه ته بيبهختى لى کر.
 ئانکو ته گونهههکا دوو جار مهزنتر کر.

ههرچهنده غهيبهت يا هرامه بهلى د هندهک حالهتین
 دهستنیشانکرى و فهپریدا دروسته:

ژ وان: ستهمليکرن، بو مروقى ستهمليکرى دروسته ل دهف دادوهرى
 سالوخدانا وى بکهت يى ستهم لى کرى دا هاريکاريا وى بکهت ل
 سهر راکرن و لادانا وئى ستهمى يان وئى خرابيا ب سهردا هاتى.

ژ وان: راوهرگرتن، ئەگەر ئیکی مشپورهتا خوۆ ب ته کر دقیت
 كهسهکی دگهل خوۆ د کاریدا یان تشتهکی دیدا پشکدار بکهت، و ته
 فیا تو خوسهر بوۆ خودی وی شیرت بکهی بیی کو چو مهرهمین
 كهسایهتی بچنه دنافدا دروسته بوۆ ته تو بیژی: ((بوۆ ته دروست
 نینه تو سهردهریی دگهل بکهی، دی خوسارهت بی و زیانی بینی)).

ژ وان: دانهنیاسین بیی کو مهره ژئ کیمکرن بیت، بوۆ نموونه
 بیژی: ئەوی سقهت یان ئەوی ژ ری دهرکهفتی.

ژ وان: ئەگەر مروۆفهکی گونیهکار و خراب بیت و خرابیا وی یا
 ناشکرار بیت، خوۆ ژ خرابیی نهدهته پاش و چیدبیت شانازیی ژئ
 ب گونههین خوۆ ببهت و خوشیی ب ستهمکرنی ل خه لکی ببهت.

د فان حالهتانیی دهستنیشانگری و فهپریدا غهیهت دروسته بوۆ
 بهرژهوهندیا خوسهر بیی بارا نهفسی و مهره ما كهسایهتی بچپته
 دنافدا، به لکی بوۆ مهره ما گههشتنا ههقیی بتنی دروسته، ژبلی فان
 حالهتا غهیهت کارین چاک و قهنج پویچ دکهت و د خوت کا
 چهوا ناگر دارا دخوت.

فئجا ئەگەر مروۆفی غهیهت کر، یان ب چهزا خوۆ گوهداری بوۆ کر،
 پیدفیه ئەو فی دوعایی بخوۆ بکهت: خودی وو گونههین مه و یین
 مه غهیهتا وان کری ژئ ببه، پاشی داخوازا لیبۆرینی ژ وی بکهت
 بی غهیهتا وی کری، و گهردهنا خوۆ پی بدهته ئازاکرن دهمی
 دبینیت.

جزایی پیشئیخستی بۆ قه نجی و خرابیا (الحسنات والسیئات)

خالا ئیکى:

ژ ههفته مامیا مهردینیا خودایی پاک و بهر فرههیا دلۆفانیا وی و رههیا یا دادپهروهیا وی نهوه کو خهلاتکرن کریه د کارین خیرییدا، و سزادانهکا پیشئیخستی کریه د کارین خرابیی و گونههاندا. هندهک خوشیین وژدانی یین مهعنهوی کرینه دناف باشی و خیرادا کو بیرا مروؤفی ل خوشیین ئاخهرتی بینیت، و هندهک ئیزاییین مهعنهوی کرینه دناف خرابی و گونههاندا کو مروؤفهست ب ئیزایا ئاخهرتی یا ب ئیش بکهت.

بۆ نموونه: بهلافکرنا فیان و ئاشتی دناف ریژین باوهرداراندا، نهو باشیهکا ب بهایه بۆ باوهرداری، نهوی خوشیهکا مهعنهوی و تامهکا وژدانی و بهر فرههیهکا دلی د قی باشییدا ههیه کو بیرا وی ل خهلاتی ئاخهرتی یی ماددی بینیت. و ههر ئیکى سهحکهته دلی خو دئ ههست ب قی تامی کهت.

و بۆ نموونه: بهلافکرنا نهفیان و دوژمناتی دناف باوهرداراندا بخو خرابیهکا کریته. ئیزایهکا وژدانی د قی خرابییدا ههیه، ب

رهنگه کی کو حه فکا دلی و رحی پیکفه دگریت، ههر ئیکی گیانه کی ههسته وهر و هیممه ته کا بلند هه بیت ههست ب فی ئیزای دکهت. ئەز بخۆ ب درێژیا ژيانا خو- د پتر ژ سه د ئەزموونین فی رهنگی خرابیاندا بۆریمه. فێجا هه رده می من دوژمناتیه ک بهرانبهر براهی کی باوهر دار هه لگرتی من تامکریه ئیزایا وی دوژمناتی، حهتا چو گو مان ل دهف من نه مای کو ئەف ئیزایه سزایه کا پێشئێخسته بو وی خرابیا من کری. فێجا ئەز سه را وی د ئیمه سزادان و پی دئیمه ئیزادان.

و بۆ نموونه: ریژگرتنا که سین هیژای ریژگرتن و مهزن کرنی و دلوفانی برن ب یین هیژای وی چه ندی کاره کی چاکه و باشیه که بۆ باوهرداری. خوشیه کا مهزن و تامه کا وژدانی یا د فی باشییدا هه ی تا رادده کی کو چیدبیت بهری خودانی خو ب دهته خوگوریکرنی حهتا ب ژيانا خو ژی. ئەگه ر تو حهز بکه ی بهری خو بده وی خوشی و تاما دهیک دبینن ده می دلوفانیی ب زارۆکیین خو دبهن، حهتا ئەو پێخه مه تی وی دلوفانیی یا به ره هه فه گیانی خو بکه ته قوربان، به لکی حهتا د جیهانا گیانه وهراندا ژی ئەف راستیه ب رۆنی دئیه دیتن، بۆ نموونه مریشک پێخه مه تی بهرپه فانیی ژ چو یچه لۆکیین خو هیرشی دکه ته سه ر شیر ی. خه لاتکر نه کا پێشئێخسته د ریژگرتن و دلوفانییدا هه یه. خودانیین گیانیین بلند و نه فسین بهرز و ب بها ههست ب فی خوشیی دکهن.

و بۇ نموونه: سزايهكى مهعنهوى و دلى يى پيشئىخستى د رژدى و دهريژييدا ههيه، خودانى خو وهكى مرؤفهكى سهرخوش لى دكهن ژ زيده سكاللا و دلتهنگيى، فيجا دى ههمان سزا و بهلكى ژ وى بهيتر د حهسوئدى و مملانى و غيرهتييدا بينى، حهتا حهسوئدى بخو خودانى خو بهرى يى دى د سوژيت. و د پشتگهرمكرن و قهناعهتييدا بهروفاژيه چونكى خهلاتكرن تييدا ههيه ب رهنهگهكى كو ههمى شوينوارين نهخوشيا و ههژارى و پيدفيايتيى رادكهت و ناهيلىت.

و بۇ نموونه: دفن بلدى و خومهزنكرن بارهگى گرانه ل سهر پشتا مرؤفى، و نهو نهخوش دببىت دهمى دببىت نهو ل دهف يين دى يى گرانه ل وى دهمى كو نهو ل هيقييا وان بوو ريژى لى بگرن. بهلى! ريژگرتن و گوهدارى دنئينه دان نائينه داخوازكرن.

و بۇ نموونه: خوشيهكا پيشئىخستى و خهلاتكرنهكا بهروهخت د خوشكاندن و هيلانا دفن بلدى و خومهزنكرنييدا ههيه كو مرؤفى خوشكين ژ نهخوشيهكا گران قورتال كهت نهوژى خو حوليكرن و رويمهتیه.

و بۇ نموونه: هزركرنا خراب و شرؤفهكرنا خراب جزايهكى پيشئىخستى د فى دنياييدا ههيه. حهتا ((يى دهركههئى ئيكي بقوتيت دى دهركههئى وى ژى ئيته قوتال)) بوويه شهنهگستهيهكى خوچه. نهوى هزرهكا خراب ژ خهلكى بكهت بى گومان دى تووشى

هزرکرنا خراب ژلایښ وانځه ژى بیت. و ئهوى سهردهدریښ براییښ
خو خراب شروځه بکته، بڼ گومان ئهوژى دى تووشى ههمان جزا
بیت د دهمهکڼ نیژیکدا.

و هوسا ههمى سالوځه تیښ باش و خراب ل سهر فى شیوازی ب
پیځه.

ئهم دوعا ژ خودایی پر دلوفان دکهین ئهو وان تامین معنهوى
یښ هاتینه بهحسکرن ب رزقى وان بکته یښ تام دکهنه تامین
ئیعجازا قورئانى یا معنهوى یا ژ په یامین نوور دهرکهفتى، فیجا
ب چهزکرنا خودى رهوشتیښ خراب نیژیکى وان نابن.

ژ ((گوتارا شامی))⁽²¹⁾

ئەو تشتی ئەز ژ ژيانا مروفا يا جفاکی ب دريژيا ژيانا خو، و ژ ئەزموونين خو فيربوويم ئەفەيه: تشتی ژ هەمیان پتر هيژای فيانی فيانه، و تشتی ژ هەمیان پتر هيژای دوژمناتيی دوژمناتيە. ئانكو دقيت سالوخەتی فيان و حەژيكرنی كو دابينكرنا ئيمناهيیە بو ژيانا مروفايه تيی و سەركيشا وى يە بو بەختە وەريی ژ هەمیان پتر بيته فيان. هەروەسا سالوخەتی دوژمناتي و نەفيانی كو هوکارى هەرفاندنا ژيانا جفاکيه سالوخەتەکی کریت و زياندارە، ئەو ژ هەمی سالوخەتان هيژاترە بو ژى رهفين و دوژمناتي و ژى دويرکەفتنى. مادەم مە ئەف خالە ب تەمامی د ناما بيست و دوويدا ژ سەرجهمی پهيامين نوور روئکريه، دى ب کورتى ئاماژە پى کەين:

سەردەمی نەفيان و دوژمناتيی ب دويماهی هات. هەردوو شەريين جيهانی ب تەمامی ديارکر کا چەند گیانی دوژمناتي و ستەمکاری و تیکدان و خرابکاریی تیدابوو. و چو مفا تیدا نينه لهوا

⁽²¹⁾ الخطبة الشامية، ترجمة الأستاذ عاصم الحسيني، المطبعة البوليسية، بيروت، ص 63.

ئەف گوتارە ئەووە يا ماموستا نورسی ل مزگەفتا ئەمەوی خواندی دەمی ل سالا (1911ز) سەردەدانا شامی کری و تیدا نەساخيین ئوممەتا ئيسلامی و ريکين چارەسەرکرننا وان ديارکرين، (وەرگير ئيحسان قاسم صالحی).

چینابیت خرابیڭ دوزمنیڭ مه ب مهرجهکی زیدهیی تیدا نهئیتهکرن- وان بکته دوزمنیڭ مه. جههنه م و سزایی خودایی بی دادپهروه تیرا وان ههنه.

چیدبیت دفن بلندی و نهزهزیا مروقی هندهك جارا بهری وی ب دهنه وهرگرتنا ههلویستی دوزمنکاری بی بهرانبهر برایڭ خو یڭ باوهردار بی ههستکرن، فیجا مروق دی هزرکته نه و بی دروسته، ههرچهنده نهف دوزمنکاریه دئیته حسیبکرن وهك بی بهاکرن و کیمکرن بو ههقبهندی و نهگهریڭ باوهرداران پیکفه گریددهن، وهکی باوهری و نیسلامی و مروقایهتی. ب سویند بی ئاقلیا وی وهکی یا وی یه بی ریکیڭ دوزمناتی و نهقیانا نزم و بی بها ب سهر ریکیڭ فیان و ههژیکرنی دئیخیت نهقیڭ چیاپیڭ موکوم و ئاسی ب سهردئیخن.

مادمه فیان ههفدزه دگهل دوزمناتی، و پیکفه کومناڭن کا چهوا تارباتی و روهای پیکفه کومناڭن، فیجا کا نهگهریڭ کی ب سهر بی دی کهفتن دی ب دروستی جهی خو د دلیدا کهت. و ههفدزی وی دی راستیی ژ دهست دهت.

بو نمونه: نهگهر ته فیان ب دروستی دیته د دلیدا هینگی دی دوزمناتی نیته گوهورین بو دلوفانی. نهفهیه سهروبهه د راستا خودانیڭ باوهرییدا.

بهلى ئەگەر تە دوژمناتى ب دروستى دیتە د دليدا، هينگى دى فيان
ئيتە گوهورپين بۇ قەداندىن و ريقەبرن و هەفالىنيى ژ سەرڤە.
ئەڤە دى دگەل خودانين گومرايىيى بيت يين گومرايا وان كەسەكى
دى نەڤەگريت.

بهلى باوهرى و ئىسلام و مروڤايەتى ئەگەرپين فيانى نە، و دئينه
هژمارتن ژ زنجيرپين نۇرانى يين ب هيز و كەلهين رۇحى يين
ئاسى، بهلى ئەگەرپين دوژمناتى و نەفيانى بەرانبەر باوهردارى
هندەك تشتين تايبەت يين بى بهانە وەكى بى بهاييا بەرگا. لەوا
هەلگرتنا دوژمناتيى بەرانبەر موسلمانى ب دروستى خەلەتیهكا
مەزنە، و كيمكرنە بۇ ئەگەرپين فيانى ئەڤين وەكى چيانە.
ئەنجام:

حەزىكرن و فيان و براهەتى ژ سرۇشتين ئىسلامى و هەڤبەنديين
وى يين سەرەكینه، بهلى ئەوى فيربوويه هەلگرتنا دوژمناتيى ئەو
وەكى وى زارۇكى بى زەوق و خرابە، دڤيت بگريت فيجا دى ل هەر
ئەگەرەكى هەبیت گەريپت بۇ گريانى. چيدبیت تشتهكى كيمتر و
بى بهاتر ژ پەرى پيشيى تيرا وى چەندى هەبیت بەرى وى ب
دەتە گريانى. هەروەسا ئەو وەكى زەلامەكى رەشبينە هزرا باش ژ
چو تشتا ناكەت، هندی دەليڤە بۇ هزركرنا خراب هەبیت. و هوسا
ب گونههەكى دەھ خيرا ژ دەست خو دكەت، و ئەڤ چەندە هەڤدژە

دگهل رهوشتی ئیسلامی ئهقی دادپهروهری و هه لگرتنا هزرکونا
باش دخوازیت⁽²²⁾.

⁽²²⁾ تیبینی: ئه وهرموودین د فی په یامیدا نه هاتینه ته خریجکرن، ((عه جلونی))
د ((کشف الخفاء)) دا ب دریزی ل سهر نفیسایه، ئهم نه شیاین بکهینه د فی
په یامیدا، یی بقییت بلا لی بزفپیت، (وهرگیپ ئیحسان قاسم صالحی).

دانگا پەيشا بيست و شەشى

نيزيكترين ريك بو خودى

(ئەف دانگا زىدە كورت گرنگيه كا مەزن ھەيە و مفا بو ھەميان

تىدا ھەنە)

گەلەك رېكېن ھەين بۇ گەھشتنا خودايى پاك و مەزن، و ژىدەرى ھەمى رېكېن دروست قورئانا پىرۆزە. بەلى ھندەك ژ فان رېكا ژ ھندەكېن دى نىزىكتىر و ب سلامتەر و تەفگرتىر.

-دگەل تىگەھشتنا من يا لاواز- من رېكەكا كورت و راست ژ پىدانا قورئانا پىرۆز وەرگرتىە ئەوژى ئەفەيە:

رېكا لاوازی، ھەژارى، دلۇفانى، ھزرکرنى يە.

بەلى! لاوازی - ۋەكى عىشقى - رېكەكە مرۇقى دگەھىنىتە خودى، بەلكى نىزىكتىر و ب سلامتەرتىر رېكە، ئەو مرۇقى دگەھىنىتە خوشتقىياتى ب رېكا بەنداتى.

ھەژارى ژى ۋەكى وى مرۇقى دگەھىنىتە نافى خودى: يى دلۇفان.

ھەرۋەسا دلۇفانى ژى - ۋەكى عىشقى - مرۇقى دگەھىنىتە خودى بەلى چوونا د ویدا بلەزترە و ئاسويى وى بەرفرەھترە، ئەو مرۇقى دگەھىنىتە نافى خودى: يى پىر دلۇفان.

ھزرکرن ژى ۋەكى عىشقى يە، بەلى ژ وى زەنگىنترە و ژ رۇناھيا وى رۇنترە و رېكا وى خوشترە، ئەو بەرى وى يى لى دچىت دگەھىنىتە نافى خودى: يى کاربەنەجھ.

ئەف رېكە نەۋەكى وى رېكا فەشارتنى يە يا خودانىن رەفتارى گرتى - ئەف رېكا ژ دەھ پىنگاڧا پىكدىت ۋەكى دەھ دلۇفانىا، و نەۋەكى - رېكا ئاشكرانى يە - ئەفا ژ ھەفت پىنگاڧا پىكدىت ل

دویف هەر چهفت نهفسا- ئەف ریکه ژ چار پینگافا بتنی پیکهاتیه،
ئەو راستیهکا شهزیه پتر ژ ریکهکا صوفی.

کەسەک ژ ههوه وهسا هزر نهکەت و خەلەت تی نهگههیت، مهزهم
ب لاوازی و ههژاری و بی دهستههلایتی ئهوه مروفا فی چهندی
بهزانبهر خودایی پاک دیار بکهت نه بهزانبهر خەلکی.

زکرین فی ریکا کورت ئەفهنه:

- دویفچوونا سوننهتا پیغهمبهری.

- ئەداکرنا فهززا، نهخاسمه کرنا نقیژی بجهئینانا ستوینین وی

و خواندنا زکرا پشتی وی.

- هیلانا گونههین مهزن.

ژیدهری فان پینگافا قورئانا پیروژه:

{... فَلَا تُزَكُّوا أَنْفُسَكُمْ...} ﴿النجم: 32﴾، ئانکو: (فیجا خو پاقر

نهدانن و مهدهحیت خو نهکەن) ئامازهیه بو پینگافا نیکی.

{وَلَا تَكُونُوا كَالَّذِينَ نَسُوا اللَّهَ فَأَنْسَاهُمْ أَنْفُسَهُمْ...} ﴿الحشر: 19﴾،

ئانکو: (و هوین وهکی وان نهبن ئەویتی خودی (ئهمری خودی) ژ

بیرکرین، و ترسا وی نهکرینه د دلی خودا [یان خودی و زکری وی

ژ بیرکرین]، فیجا خودی وهل وان کر خو ژ بیر بکهن) ئامازهیه بو

پینگافا دووی.

{مَا أَصَابَكَ مِنْ حَسَنَةٍ فَمِنَ اللَّهِ وَمَا أَصَابَكَ مِنْ سَيِّئَةٍ فَمِنْ نَفْسِكَ...}

﴿النساء: 79﴾، ئانکو: (هەر خیرهکا بگههیته ته ژ خودی یه، و

هەر نه خۇشيه كا ب سهرى ته بىت ژ تهيه) ئاماژهيه بۇ پىنگاڧا سىي.

{...كُلُّ شَيْءٍ هَالِكٌ إِلَّا وَجْهَهُ...} ﴿القصص: 88﴾، ئانكو: (و هەمى تشت دى چن و نامين، ئەو نەبىت) ئاماژهيه بۇ پىنگاڧا چارى.

ب كورتى رۇنكرنا فان هەر چار پىنگاڧا ئەڧهيه:

پىنگاڧا ئىكى:

هەروەكى ئەڧ ئايەتا پىرۇز ئاماژه پى دكەت {...فَلَا تُرْكَوْا أَنْفُسَكُمْ...} ﴿النجم: 32﴾، ئانكو: (ڧىجا خۇ پاقز نەدانن و مەدحىت خۇ نەكەن). ئەوژى ئەڧهيه:

مرۇڧ خۇ پاقز نەدانىت و مەدحىت خۇ نەكەت، چونكى مرۇڧ ب ڧىترەتا خۇ، حەژ خۇ دكەت، بەلكى بەرى هەميا خۇ دڧىت. و قوربانىي ب هەمى تشتا ددەت پىخەمەت خۇ، و پەسنەكا وەسا بخۇ دكەت كو هىژاى خودى بتنى بيت، و خۇ پاقز حسىب دكەت، و بەرۇكا خۇ بى گونەھ دكەت بەلكى ژ بنى رازى نابىت خەمسارىي پالدهتە خۇ، و وەسا بەرەڧانىي ژ خۇ دكەت وەكى پەرستنى، حەتا ئەو وان سىستەمىن خودى كرىنە د ويدا دا خودى پى پاك و پاقز كەت و پىرۇز راگريت بۇ نەفسا خۇ بكار دئىنىت ڧىجا ئەو سالۇخدانا د ڧى ئايەتا پىرۇزدا هاتى ل سەر دئىتە بجهئىنان:

{...مَنْ اتَّخَذَ إِلَهَهُ هَوَاهُ...} ﴿الفرقان: 43﴾، ئانكو: (ئەوئ دىخووزيا خۇ كرىه پەرسىتى خۇ)، فېجىا خورفېئى بخۇ دىبەت و گەلەكى بخۇ ددانىت ... لەوا دقئىت مروؤف نەفسا خۇ پاقر و پەروەردە كەت: پاقر كرن و پەروەردە كرنا وئ د قئى پېنگا قئىدا ئەفەيه: مروؤف خۇ پاقر نەدانىت و مەدحىت خۇ نەكەت.

پېنگا قئىدا دووئ:

هەروەكى ئەف ئايەتا پىروؤز قئى وانەيى ددەت: {وَلَا تَكُونُوا كَالَّذِينَ نَسُوا اللَّهَ فَأَنْسَاهُمْ أَنْفُسَهُمْ...} ﴿الحشر: 19﴾، ئانكو: (و هوين وەكى وان نەبن ئەوئىت خودئى (ئەمرئى خودئى) ژ بىر كرىن، و ترسا وى نەكرىنە د دلى خۇدا [يان خودئى و زكرئى وى ژ بىر كرىن]، فېجىا خودئى وەل وان كر خۇ ژ بىر بکەن). چونكى: مروؤف خۇ ژبىر دكەت، و ژ خۇ بئى ئاگەھ دىبىت، هەردەمى ھزرا خۇ د مرنئىدا كر بەحسى خۇ ناكەت بەلكى دئى يا يئىن دى كەت، و هەردەمى فەنابوون و نەمان دىت دئى پالدهتە يئىن دى، هەروەكى پەيوەندى ب وىقە نىنە، چونكى سرؤشتى نەفسا فەرمانكەر ب خرابىيى ھوسايە: دەمى وەرگرتنا كرىيى و بەھرا بىرا خۇ دكەت و ب توندى پىگرىيى پئى دكەت، بەلئى دەمى خزمەتكرن و كاركرن و سپارتنى خۇ ژبىر دكەت. فېجىا پاقر كرن و پەروەردە كرنا وئ د قئى پېنگا قئىدا ئەفەيه:

کارکرن به روفاژی فی حاله تی، ئانکو خوژبیرنه کرن د چافی ژبیرکرنیدا، ئانکو دهمی بههر و کریا خو ژبیر بکته، و دهمی خزمهتا و مرنی هزرا خو تیدا بکته.

پینگاڤا سیی:

ئەف ئایهتا پیروژ بهری مروفی ددهتی: { مَا أَصَابَكَ مِنْ حَسَنَةٍ فَمِنَ اللَّهِ وَمَا أَصَابَكَ مِنْ سَيِّئَةٍ فَمِنْ نَفْسِكَ... } ﴿النساء: 79﴾، ئانکو: (هەر خیرهکا بگههته ته ژ خودی یه، و هەر نهخوشیهکا ب سهری ته بیته ژ تهیه). چونکی:

سروشتی نهفسی هوسایه: بهردهوام باشی بخو حسیب دکته، ئەفهژی بهری وی ددهته شانازی و خومهزنکرنی. د فی پینگاڤیدا پیدفیه مروف ژبلی بی دهستههلاتی و کیماسی و لاوازی و ههژاریی ژ نهفسا خو نهبینیت، و ئەو ههمی باشی و تهمامیین خو وهسا ببینیت کو ژ دهف خودایی مهزن یی ئافراندهرن، و وەرگریته وهک خنیك و قهنجی ژ دهف خودی، فیجا ئەها هینگ ل شوینا شانازیی سوپاسی بکته و ل شوینا مهدهکرن و خومهزنکرنی شوکری بکته.

پاقرکرن و پهروهدهکرنا نهفسی دفی پلهییدا د نهینیا فی ئایهتا پیروژدایه: { قَدْ أَفْلَحَ مَنْ زَكَّاهَا } ﴿الشمس: 9﴾، ئانکو: ﴿9﴾

[سويند ب فان هميان] ب راستی كهسى نهُو نهفس ژ گونهُهان
 پاقر كر سهرههرازه [رؤژا ناخره تی]]. نهُوژی نهُفهیه:
 تو بزانی تهمامیا وى د وى چه نديدايه كو نهُو نهيا تهمامه، و
 شيانا وى د بى دهستههلاتيا ويدايه، و زهنگينيا وى د ههژاريا
 ويدايه، (نانكو تهماميا نهفسى يا د ويرييدا مروّف بزانيت نهُو نهيا
 تهمامه، و شيانا وى يا د ويرييدا كو نهُو بهرانبهر خودى بى
 دهستههلاته، و زهنگينيا وى د ويرييدايه كو نهُو بهرانبهر خودى يا
 ههژاره).

پينگافا چارى:

نهُوه يا نهُف نايه تا پيروژ مه فيردكهت: {... كُلُّ شَيْءٍ هَالِكٌ إِلَّا
 وَجْهَهُ...} ﴿القصص: 88﴾، نانكو: (و ههمى تشت دى چن و
 نامينن، نهُو نهبيت). چونكى نهفس وهسا هزر دكهت نهُو يا نازاد
 و سهربه خويه، لهوا جورهكى خودانيى بخو ددانيت، و
 نهگوهداريهكى بو خودايى خو بى ههق د خودا ههلدگريت، فيجا
 ب زانينا قى راستيا دئيت مروّف دى ژ قى چه ندى قورتال بيت
 نهُوژی نهُفهیه:

هەر تشتهك د خوییا خوڤا، و ب راما نا خو یا ناڤی⁽²³⁾: یی ژ ناڤچووییه، یی بهرزیه، یی چیبووییه، نینه، بهلی د راما نا خو یا پیتیدا، و ژلای گپرا نا روئی خودیکا رهنگفه دهر بو ناڤین خودایی مهزن یی چیکهر، و ب وان ئهرك و کارین پی رادبیت: شاهدهیی ددهت، شاهدهیی بو دئیته دان، شیانداره (واجد)، هه بووییه (موجود).

پاقرن و پهروهرده کرنا وی د فی پینگافیدا ئهفهیه: نه بوونا وی یا د هه بوونا وی و هه بوونا وی یا د نه بوونا وی، ئانکو: ئه گهر ئه وی خو دیت و هه بوونهك دا هه بوونا خو- هینگی ئه و دی د تاریاتیین تی رانه کرنا هه می زینده وهراندا خه ندقیت. ئانکو: ئه گهر ئه و ژ پهیدا گهری خو یی راست- ئه وژی خودییه- بی ئاگه ه بوو و خورفی ب هه بوونا خو یا که سایه تی بر هینگی ئه و دی خو بینیت یا بتنی یه و یا خه ندقیه د تاریاتیین هیلان و نه بوونا بی

⁽²³⁾ ئه ز سوپاسیا خودی دکهم کو مه زنتزین مه سه له یین فان زینده وهره بو من فه کرین ب مه سه له کی د ((نحو)) یدا ئه وژی ئه فهیه: جودایی دناڤه را راما نا (پیتی) و ((ناڤی))! ئانکو ئه ف هه می بونه وهره هندهك په یقن ریکن بو راما نین غه یری خو ((ئانکو پیتن))، ئانکو: هندهك نامه یین خودایینه باشناڤین خودی دخوینن، نه ناڤینه هه تا کو ئه و بخو راما نه کی بدهن. فیجا ئه و تشتی ژ لای ئیکدی دهرکهفتی، زانین و باوهری و حکمه ته، و یی ژ لای دووی دهرکهفتی نه زانینه کا دووقات و گاوریه کا (مرجب) و فه لسه فه کا (مذهبه). (المثنوي العربي النوري: ص 270).

دويماهيك دا، دى بىژى ستىرسىرۆكە د رۇناھيا خۇ يا تاكى و كىم و لاوازدا دناف تارىياتىن شەفا تارىدا. بەلى دەمى ئەزەزى و دفن بلندى د ھىلىت دى ب دروستى خۇ بىنىت: كو ئەو بخۇ چو نىنە، بەلى ئەو خودىكەكا رەنگقەدانى يە بۇ پەيداكەرى خۇ يى راست. قىچا دى ھەبوونەكا بى دویمایى ب دەستخوفە ئىنىت و دى ھەبوونا ھەمى بۇنەوھرا وەك مفا ب دەستخوفە ئىنىت. بەلى، يى خودى دىت ئەوى ھەمى بۇنەوھر دىتن، چونكى ھەمى تىت رەنگقەدانن بۇ باشناقىن خودايى مەزن.

دويماهيك

ئەف رىكا ژ چار پىنگاغا پىكدىت: لاوازی و ھەزارى و دلۇفانى و ھزرکرن، ھاتىنە رۆنکرن د ((بىست و شەش پەيىن)) بۆرى ژ پەرتۇكا ((سوزلر – پەيىف)) ئەفا ل: زانستى راستى، راستيا شەرىعتى، ھىكمەتا قورئانا پىرۆز د گەرىپىت. بەلى ئەم دى ل قىرى ئامازەكا كورت ب ھندەك خالا كەين ئەوژى ئەفەنە: ئەف رىكە كورتتر و نىزىكتەر ژ يىن دى، چونكى ژ چار پىنگاغا پىكھاتىە. ئەگەر لاوازی ل دەف نەفسى پەيدابوو دى ئىكسەر وى رادەستى خودايى خودان شیان و مەزن كەت.

به‌لئ نه‌گهر عیشق چو د نه‌فسیدا - د ریکا عیشقیدا کو بله‌زترین ریکه بو گه‌هشتنا خودی- هینگی دی ب خوشتقیی مه‌جازیقه هیته گریدان، و دهمی دبینیت نه‌و نه‌ما دی گه‌هیته خوشتقیی راست.

هه‌روهسا نه‌ف ریکه ب سلامه‌تره ژ یین دی، چونکی د فی ریکیدا نه‌فسی چو سه‌رداچون و تشتی ژ شیانا خو مه‌زتر نینن، چونکی مروف ژبلی لاوازی و هه‌ژاری و خه‌مساریی ل ده‌ف نه‌فسا خو نابینیت هه‌تا ژ تخویبی خو ده‌رباز ببیت.

هه‌روهسا نه‌ف ریکه ریکه‌کا گشتی و جاده‌کا مه‌زنه، چونکی نه‌چار نابیت زینده‌وه‌ران سیداره بده‌ت یان زیندان بکته، ژ به‌ر خودانیین (وحدة الوجود) وه‌سا هزرکرن کو زینده‌وه‌ر نینن، فیجا گوئن: چو هه‌بوون نینن نه‌و نه‌بیت پیخه‌مه‌ت گه‌هشتنا ناماده‌بوون و ته‌نابوونا دلی. هه‌روهسا خودانیین (وحدة الشهود)ی ژی زینده‌وه‌ر زیندانکرن د زیندانا ژبیرکرنیدا فیجا گوئن: چو تشتی دیار (مشهود) نینه ژبلی وی پیخه‌مه‌ت گه‌هشتنا ته‌نابوونا دلی.

به‌لئ قورئانا پیروژ ژ زینده‌وه‌را د بو‌ریت و ب ئاشکراییه‌کا ته‌مام وان سیداره ناده‌ت و وان ژ زیندانی به‌رده‌ت، نه‌ف ریکا ل دویش په‌یره‌وی قورئانی دچیت ب فی ره‌نگی به‌ری خو دده‌ته زینده‌وه‌را: نه‌و سه‌رنه‌رمکرینه بو ئافراندهری خو و خزمه‌تکارن د ریکا ویدا، و نه‌و نیشانن بو ره‌نگه‌دانان پیدانیین باشناقین وی دی بی‌ژری خودیکن بو ره‌نگه‌دانان وان پیدانا. ئانکو نه‌و وان ب رامانا وان یا

پیتی بکار دئینیت و ژ رامانا ناھی جودا دکهت کو ئه و نه یا
 خزمه تکار و سه رنه رمه بخو. و ده می مروؤف ژ بی ئاگه هیی قورتال
 دبیت، و دگه هیته ئاماده بوونا به رده ده وام ل سه ر پهیره وی قورئانا
 پیروژ. هینگی ئه و دی هه می ریکیین مروؤفی دگه هیننه خودایی
 مه زن بینیت.

کورتیا ئاخفتنی ئه فه یه: ئه ف ریکه به ری خو ناده ته بوئه وه را ب
 رامانا ناھی ئانکو وه سا به ری خو ناده تی ئه و بخو یا سه رنه رمه،
 به لکی ئه و وان ژ فی چه ندی جودا دکهت و فی کاری دده تی: ئه و
 سه رنه رمه بو خودایی مه زن.



ئه ق زنجیره

پروژه کی بانگخوازی و خیرخوازیه.

ل بهر روئاهیا گوئنا خودایی مهزن: { وَمَا أَرْسَلْنَا مِنْ رَّسُولٍ إِلَّا بِلِسَانِ قَوْمِهِ لِيُبَيِّنَ لَهُمْ... } [ابراهیم : 4]، ئانکو: (و مه چو پیغه مبهه نه هئارتینه ئه گهر ب زمانی وی مله تی نه بیت یی مه بو هئارتی دا [فه رمان و به رنامی خودی] بو وان دیار بکه ت).

ئارمانجا فی زنجیری ئه وه ئیسلاما راست و دورست ب ئاوایه کی پیشکه فتی و سه رده مانه و ب زمانی مه یی کوردی یی شرین پیشکیش بکه ت ب تایبه تی بو بابکین نوی.

ههروه سا ئارمانجا وی ئه وه په رتوکخانا کوردی ب په رتوکا ئیسلامی زهنگین بکه ت و فان په رتوکا بو قوتابی و ماموستا و فه کوله را دابین بکه ت.

پشته فانی فی پروژه ی پشکداریه د خیرا ویدا، هوین زی دشین پشکداریی د گه شه کرن و پیشیخستنا پروژه ی و به لافکرنا په یفا خیریدا بکه ن و ببه شریک د فی خیرا به رده وامدا (صدقه جاریه).

بو پشته فانی پروژه ی یان بو هه ر پیشنیار و تیبینی و روئکر نه کی

هوین دشین په یوه ندیی ب فی پوستی ئه لکترونی بکه ن:

niviser2009@yahoo.com